

揚州


志

北

揚州北湖小志序

元但通籍儀徵而已實揚州郡城北湖人也元家在北湖九龍岡族姊夫焦里堂孝廉家在黃珏橋相隔一湖幼同學往來湖中者屢矣嘉慶丙寅丁卯間奉諱家居亦常至北湖孝廉出北湖小志彙示余余讀而韙之孝廉學識精博著作等身此書數卷足覘史才夫以北湖周回百里中水地古蹟忠孝節義文學武事悉載于是是地出靈秀特籍孝廉之筆以傳斯地之事也使各郡縣數十里中皆有一人載筆以志其事則郡縣之志不勞而成矣亟索其彙彙于板以貽鄉人觀覽以待長官采摛焉
阮元序

序



揚州北湖小志序
元但通籍儀徵而已實揚州郡城北湖人也元家在北湖九龍岡族姊夫焦里堂孝廉家在黃珏橋相隔一湖幼同學往來湖中者屢矣嘉慶丙寅丁卯間奉諱家居亦常至北湖孝廉出北湖小志彙示余余讀而韙之孝廉學識精博著作等身此書數卷足覘史才夫以北湖周回百里中水地古蹟忠孝節義文學武事悉載于是是地出靈秀特籍孝廉之筆以傳斯地之事也使各郡縣數十里中皆有一人載筆以志其事則郡縣之志不勞而成矣亟索其彙彙于板以貽鄉人觀覽以待長官采摛焉
阮元序

嘉慶丙寅寧化伊公墨卿來守揚州以府志八十年不修將網羅軼事以表彰之令循贊襄其事循生也晚耳目所及不出閭巷何足以備著述然循世北湖人也北湖自明嘉隆以來偉人奇士相繼而起惜乎故家子弟淪在耕漁先正遺編消亡八九傳說不齊有同影響深有憾於載筆之無人也因理舊聞徵諸文獻次爲一編略具條理用以陳諸太守備採摛也凡敘六記十傳二十一書事八家述二共四十有七篇別爲六卷名之曰北湖小志謹列篇目於左

卷一

敘水上第一

敘水下第二

敘地第三

敘農第四

北湖小志

卷首

敘漁第五

敘舊俗第六

卷二

開元寺記第一

畬芳社記第二

梓潼祠記第三

誦芬莊記第四

錐壩記第五

黃珏橋東嶽廟記第六

傲姑寺記第七

沙香洲記第八

珠湖草堂記第九

六湖記第十

卷三

王銓部傳第一

忠節高僉事傳第二

贈時文淵

忠臣梁飲光傳第三

王螺山傳第四

方岐方魏

陳歐村傳第五

徐慧菴李梅舟傳第六

范石湖傳第七

羅煜 張元煇 黃溪園 呂尊莊

孫柳庭傳第八

徐坦菴傳第九

元美 元端

二吳傳第十

卷四

阮將軍傳第十一

文施畢趙傳第十二

孫晝 阮竹林

郭謝常周張王傳第十三

王郭謝陳李常傳第十四

吳千爲傳第十五

重光

孝子傳第十六

程翁傳第十七

裔烈娥傳第十八

貞節傳第十九

王夫人郭母傳第二十

私傳第二十一

卷五

書人瑞第二

書天時第二

北湖小志

卷首

二

書物異第三

書金石第四

書詩話第五

書軼聞第六

書鬼神第七

書疑義第八

卷六

家述上


家述下

余既撰北湖小志六卷阮大中丞爲之刻而屬爲圖先是循以府志之役屬同里歐陽君錦往來高郵天長界上求諸山澗入湖之道歐陽君作圖以餽我今按而核之次爲六圖以明水地之形狀然十得六七而已又繪舊蹟名勝爲十圖曰高忠節公宅曰九龍岡曰開元寺曰釣魚臺曰誦芬莊曰珠湖草堂曰沙香洲曰荒湖曰九頃頭曰黃珏橋市共圖十有六爲一卷足涉手摹而月而後成有譌誤識者其正之嘉慶戊辰秋七月黃珏橋人焦循識

北湖小志

卷首

三



湖北三圖

北湖小志

卷首


大馬頭

邵伯鎮

六開

六

運河至瓜洲入江



李家嘴

開元寺

新橋

桃花橋

小橋

廖家橋

西房橋

蔣家橋

王壩橋

楊家林橋

下家嘴

賈家巷

陳家橋

杜家橋

崔家三墩

觀音巷

祝家大廟

此水奔塞

新河口

嚴家洞

楊家渡

六車頭

許家廠

談巷

莊寺

釣魚臺

許家巷

萬家莊

福田巷

陳家溝

相公廟

營桑

老鸛嘴

福壽巷

孔家橋

九家壩

何謝莊

西隱堂寺

七截橋

九家壩

山家港

蒲翁墩

獸場

關帝廟

蓮花巷

斗壇

曹安寺

曹安寺

曹安小橋

劉家橋

昆盧巷

寶女墩

鋪家寶

邵家老壩

黃家磚壩

桑家巷

天竺巷


甘泉山

方家祠堂

北湖圖

卷首

七



北湖小志

卷首

八

六圖湖北

五圖湖北

廟公朱

巷家李張

廟帝開草

橋大家宋

壩醫獸楊

壇斗

橋大家方

壩家楊

莊家陳廖

營家唐

墩家白

墩女寶

橋勝羊

橋小家劉

橋小家方

莊家井

壩家范

山家紀

店酒家葛

橋官小

鋪家楚

巷盧昆

巷家談

沖婆石

沖子驢瘦

倉黎

尤家澗

山雙

巷竺天

廟奶奶

集家杭

山泉甘

子店

路汶五

儀大

窪泥黃

巷國護

橋石

廟公朱

大儀

黃泥庄

此圖本諸

歐陽君參

以曹安寺

僧法海建

隆寺僧道

原所說道

里方位

田家小橋

北湖小志

卷首

段家壩

車家橋

縻家小橋

胡老家翁菴

鳳子嶺

高田

俞家岡

袁家井

丁家大橋
丁家壩



九

高忠節
公宅

北湖小志

卷首




九龍岡

北湖小志

卷首

十一



釣魚臺



古開元寺


誦芬莊




北湖小志

卷首

十三



北湖小志



北湖小志

卷首

十四




珠湖草堂




北湖小志

卷首

十一



湖荒




北湖小志

卷首

十六

洲香沙



北湖小志

卷首

七




北湖小志

卷首

九頃頭

十八




市鄰黃



北湖小志

卷五

黃莊橋市



十九

北湖小志卷一

敘水上第一

揚州之運河自寶應黃浦入界至瓜洲儀徵達於江河以東曰下河河以西曰上河上河皆湖也其在甘泉境者郡人謂之北湖東束於運隄西受西山諸水北受高郵湖水方三十里而灘隈龐阜錯落其中若爪若角若木之交枝非生長其間往往迷其棹焉自邵伯鎮之北五里由官河達於湖曰鰍魚口由鰍魚口而南湖水過老鸛嘴又西新河口之水入焉又西過許家厰又西嚴家淘之水入焉又西爲薄劉家嘴又西爲楊家渡釣魚臺之水入焉新橋之小水亦入焉又西北過李家嘴又歷孫家

北湖小志

卷一

一

嘴有錐淘又西過陸家嘴開元寺在其南謝家橋之水入焉又西過沈家嘴季家嘴牽黃珏橋隄而北至睦家嘴澗陳壩之水由橋下入焉湖水繞鎮而北半里過喬家庄與季家嘴對湖相望里許又東半里至屠家嘴高家橋之小水入焉少東爲東嶽廟又東爲竇家嘴又東爲戴家窪湖水架入又東南爲董家嘴與沈家嘴南北相對其東有大隈亘於湖爲劉家嘴與李家嘴南北相望若門戶東則爲朱家湖湖水過劉家嘴而北彫胡淘之水入焉湖水又東北過火家洪畢家淘之水入焉淘側有紅廟紅廟之東北有地藏菴蓮花寺在其西北又北折其水如帶岸形若月爲湯家泮是地不生葦相傳有術士過而禁之也由湯家泮折而西有郝家樓又西爲蔣家灘又西過馬家嘴又西

繞解家嘴龍灣淘之水入焉又北過崔家嘴又東北過南田家嘴板橋之水入焉又東北爲北田家嘴又東北過土城口汪家淘之水來會又東北梁家巷之水入焉又北爲東庄嘴由東庄而北爲黃子湖由東庄而南爲邵伯湖龍灣淘之口有大小兩張家墩墩北當田家嘴東有灘長三四里作三角形在湖中爲管家尖管家尖之西北當汪家淘有老屋基基上鋪甍甍又稱李家庄河淮未合之先是爲陸地庄宅之形尙可驗矣昔時管家尖種藕夏月花開爲湖中大觀乾隆四十年大旱饑民掘食之盡因改爲稻田然在湖心稍溢則沒耳湖水繞東庄嘴而西過郭庄又西北有水如帶其北灘長五六里爲九頃頭其南有大帝寺今圯又西少南燒香港之水入焉又西過南王墩墩南

北湖小志

卷一

二

有治平寺寺南爲梁家巷有八角井傳爲唐時故蹟不可考少西大淘之水入焉湖水由大淘而西過周家嘴又西小淘之水入焉又西過王家嘴迤而南一灘銳而西出爲蕎麥尖又西廟灣之水入焉湖水西過廟灣口至馬家嘴有小水自秦家酒店來入焉又西爲張田家嘴又南有小水界之又南爲韋家嘴又南界以小水其西南有避風菴自避風菴渡而北抵九龍岡公道橋之鎮在焉先是有湖口橋長半里橋久廢故改爲渡湖水繞鎮而東過窰東嘴又東北過陳家花園歐陽墩在其北又東至小倉倉前有水如帶其東南爲窰灘窰灘與張田家嘴相對其東卽黃子湖波濤壯矣由窰灘而東北過趙家嘴又西北爲陳家淘淘水抵雙塘東淘水又北過唐家嘴三官殿之水入焉

淘水又東過珠湖草堂又東爲倪家嘴有小水在嘴中淘水至倪家嘴會於湖湖水北過倪家嘴金家灣之水入焉又東北過顏家嘴與九頃頭相對爲門戶其西爲赤岸湖其東爲黃子湖傲姑寺在其北湖水由傲姑寺而東有沙家尖長三四里橫亘而東湖水繞沙家尖而西北橋頭之水入焉又北潘家壩之水入焉又東北繞林家嘴有淘界其北又西過華家嘴又西過宰家灘司徒廟在其南又西南過盛家嘴其西有柏家渡又南過王庄庄西有真武廟王德橋之水入焉其西爲胡家渡其南爲西湖嘴嘴之西南有小張家渡又南紅蓮壩之水入焉又西北董家橋之水入焉又北李家橋之水入焉又北至徐家壩蜻蜓橋之水入焉又北爲張家渡渡口有普渡菴其北屬高郵自柏北湖小志

卷一

三

家渡至小張家渡統曰野牛灣又曰野溝灣鰍魚口之東爲河隄隄以西皆湖有相墩在其北水中墩上有近湖草堂邵伯相氏之別業也墩北爲盧家嘴其西有馬家庄又西有樓子庄皆間以小水樓子庄與湯家泮一水相望而兩湖之頸也湖水沿東隄又北過稽家閘又北過荷花塘又西北過腰鋪又西北過露筋祠又北爲三十里鋪入高郵界

殺水下第二

其西北一水自井家庄來東北過范家壩又東北過楊家壩至廖陳家庄北一水自袍家山南來歷葛家酒店北過唐家營西與井家庄水合又一水自北來由張李家巷過田家小橋南折至廖陳家庄三水合流至草關帝廟南過宋家大橋橋之南有

宋家橋鎮鎮有紫竹菴關帝廟橋北有壓鎮寺糜家橋之水自南來過茅家橋又北過馬家橋合四水爲涼月灣迤東南過郭家集至張家渡繞丁家嘴入野牛灣

其西一水自黃泥窪來注在大儀鎮東南流五里至田家小橋一水自段家壩東北來會又一水自鳳凰嶺東北來會總至楊獸醫壩壩南有關帝廟廟中牡丹數百年高丈許相傳有神又東北流至方家大橋一水自巴家墳來七里至黃家磚橋過寶女墩南至楚家鋪尤家澗之水自南來會又東過茅勝橋橋北有茅勝菴又東北過劉家橋又東北至曹安寺小橋又北至方家小橋橋南有方家集鎮又東北過雙車蓬北徐家溝之水自南來會又北過文氏深柳堂西鷺鷥溝之水來會又北過許家北湖小志

卷一

四

巷折過建隆寺北方家大橋之水過徐家嘴東北至建隆寺北二水交會爲鵝頸項灣灣以南兩水環抱屈曲如菱花其間爲荒湖荒湖之中有高阜建隆寺在其上立阜以觀兩水如龍蛇蜿蜒而投焉荒湖者湖久淤農以爲田稍溢則仍成爲湖故未易湖之名云爾鵝頸項灣之水北過戒壇寺西長生橋之水入焉又過胡家嘴東入公道橋渡會於黃子湖

其西南一水自方家祠來過朱家大橋橋東南爲方家巷又北過秦家橋秦觀祭墓在其西又北至王家屯一水自桑家巷來巷在甘泉山東北里許又東北過天竺菴北又東北過房庄東南來會又北過雨膏橋舊名火燒橋閻公墳在其東南一水西自石灰庄過老壩橋來會又東過誦芬庄南又東北過澗陳曠

一水自江家冲會於南一水自獺猫墳來會於北又東過郭葵
心墓北焦氏祖塋南折而北過焦下庄東鮑魚塘之水會焉又
北焦上庄之水會焉又北倒稜溝之水會焉又北過黃莊橋東
南繞睦家嘴至三义港入於白茆湖
其南一水自龔家冲來冲在郡城北十五里東流至龔家橋北
折過南靳家橋一水自陳家大庄過北靳家橋來會二水合流
東至周家橋又東至杜家橋賈家墳在其北東北有元通菴又
有守貞菴又東過陳家橋橋東南有梅影菴又東北過楊林家
橋又北過許家巷西又北至釣魚臺一水自胡家橋東過蔣家
橋東又過耿家聞耿中丞墓在其北北有西來菴一水自陳家
巷東北過龜月橋會焉兩水合流至釣魚臺與龔家冲水會又
北湖小志 卷一 五

北至姚家橋橋東有北方寺在高阜上一水自湯庄潘庄來東
過徐家橋又東過錢家冲冲南有南觀音寺又東過紀家橋又
東北過卜家橋房孝子墓在其南又東北過廖王家橋又東北
與姚家橋水合又北爲楊家渡一水自鄭家庄東流入大塘稍
又東過棺材跳又東北過桃花橋入楊家渡
其東南一水自皇墓墩東半里過高娘子橋一小水自馬郎家
巷來會其北一里有吉家菴又東過祝家大廟南又北折爲陳
家溝桑營在其南有龍王廟又北至蒲扇墩其南有相公廟又
北過葛家大庄東其西南有福田菴又北合公家港分二支西
一支過尤家窪南又西北過孔家橋又北至新河口入於湖東
一支北過七截橋又北過福壽茶菴東一水東至美棠橋來會

又北至鯨魚口入於湖

黃珏橋北一水自錐壩來與石橋水合流東過周湯橋匯爲朱家汪一水北自安基寺來會東過崔家嘴南又東過戴家窪北又過趙家嘴西爲龍灣洶又北過張家墩與板橋水合又東北過管家尖爲葫蘆洶入於邵伯湖

大洶之水一支自真武廟會於南一支自土城口會於東一支自錢家巷會於東南其間廣濶深浚北過周家嘴東兩嘴相束爲大洶口入於黃子湖

小洶之水自五車頭北來過談家橋又過王家嘴東入於黃子湖

北湖小志

卷一

六

黃珏橋西一水自羅家橋東北流繞堰橋嘴一水南自壩磯頭來入焉又一水自鶴公橋東合二小水屈曲來會又北過薛家嘴西孫家園東爲孫家渡一水自錐壩北轉魚墩來過大竹墩西與城隍廟南小水合又北過廟頭鎮鎮南鎮北兩小水入焉又北過司徒廟西五車頭北合二小水來會至都天廟南入孫家渡又北過劉家嘴東又北過蕎麥尖入於黃子湖水深曲雖赤旱不竭統稱曰廟灣

公道橋之水一自阮千戶墓南過陳家橋至九龍岡入於湖一自康營來過朱公廟又東過孔家橋又東過于家壩又東至胡家嘴入於荒湖

赤岸湖之水一自三官殿北東流過姚家跳入金家灣一自金莊入金家灣一自橋頭東過徐家廠又東北至沙家尖入於湖

一自潘家壩東流過談明橋又東北繞林家嘴入於湖一水自東嶽廟西江倉南屈曲過王德橋合王氏上下兩庄水西又一水南自燕庄來合共入胡家渡一水自三里橋東北至周蠻子橋又北過紅蓮壩一小水自東來合爲小張家渡一水自董家橋東北流至小張家渡入野牛灣

敘地第三

黃珏橋在郡城北三十里橋以南有三里菴去橋三里菴北二里有破司徒廟又一里至橋橋之隄半里昔樹以柳橋之北有市自茶菴至於火星廟約半里形如弧環湖而立焉自火星廟東北八里至湯家泮兩畔舒爪若葉中一穢如脊南爲朱家湖北爲邵伯湖東嶽廟扼其根廟東戴家窪僅廣數武而已自火

北湖小志

卷一

七

星廟北行三里爲廟頭鎮又一里爲新集由新集而西二里爲都天廟廟面西孫家渡之水環焉由新集而東爲崔家嘴爲南北二田家嘴諸嘴支水中若掌然由田家嘴渡湖則爲荷花塘新集北有真武廟由廟而北三里爲周家嘴由廟而東北五里至錢家巷其左爲大淘右爲汪家淘兩淘之間亦數武是爲土坡口過此地圓如鏡治平寺在焉由寺而東一角長三里爲東莊嘴由寺而北長六七里爲九頃頭黃珏橋之北盡於此自火星廟北至治平寺總曰北落枝由黃珏橋西北行五里爲鴛鴦塘其地高水溢不及其北二里爲壩磯頭壩磯頭之東北二里爲薛家嘴與都天廟隔水相望焉由鴛鴦塘而西一里爲羅家橋橋北二里爲堰橋嘴由羅家橋而北六里爲張田家嘴其形

亦孤馬家嘴劉家嘴孫家園排其左韋家嘴避風菴列其右其狀亦如掌焉諸地之脉皆從甘泉山來黃珏橋至公道橋八里渡一里公道橋之東北爲赤岸湖地自公道橋七里至雙塘又八里至橋頭鎮又五里至宰家灘灘以東華家嘴林家嘴沙家尖顏家嘴倪家嘴趙家嘴如獸牙之張噬灘以西爲柏家渡胡家渡小張家渡如斧鉞之層疊其雙塘界兩水之間亦如湯家泮之有戴家窪焉由公道橋而西則西山故其脉自橫山來阮中丞云甘泉山脉自古井寺來古井寺脉自陳家集來陳家集脉自橫山來橫山之脉自冶山來公道橋九龍岡之地脉自大儀鎮北來大儀雖爲鎮集而地極高實一山頂也大儀之脉自陳家集東北來陳家集脉自橫山來蓋與黃珏橋之脉同發源

北湖小志

卷一

八

於橫冶山者元家高祖之墓在九龍岡西陳家橋自子視之所謂樂哉瑕邱者也循案湖地爲市八曰黃珏橋鎮曰公道橋鎮曰橋頭鎮曰廟頭鎮曰裔家集曰方家集曰楊獸醫壩曰宋家橋鎮自公道橋至宋家橋十五里自黃珏橋至裔家集五里至方家集又五里至楊獸醫壩又五里

敘農第四

湖濱之田宜稻居民多力農其田自下下以至上上相去二二三丈爲等六七最下者爲湖蕩草場種菱種芡草或長龍古三稜重旱之歲亦栽稻次之爲灘田栽早色稻拖犁歸四十子兩種再上爲圩田栽五十子再上爲高圩田栽六十子及望江南又上則爲車田又上爲中車田又上爲高車田俱栽大頭籼再上

則岡田岡田去水遠運水多費人力每任其萊車田者其水可隨車而至也湖水之支港停匯處設車蓬四柱如亭架四阿謂之截口茨以菅植木於中爲心斜四木以繫輪謂之釣輪輪周謂之岡岡上齒謂之撥所以運撥謂之糙齒所以升水者謂之鶴所以受鶴者謂之筒楊柳菰蘆間一童子驅牛運之湖水上噴依溝遂而四達功甚便也其栽種較山農爲早始栽曰開秧門秧畢以麥煎餅勞疆以傭力之人其鄰里戚友互餽以酒食曰洗泥五六月間剪紙爲旗插滿田中擊鼓鳴鑼昇社神行阡陌間謂之青苗會立秋處暑之交各早色稻俱陸續收割八月刈稷九月刈穉糶穀得錢歡飲於市冬月插柳織草爲簾以禦風農戶納課佃客算租釀酒擊毬紛紛衡論初春取湖泥沃田

北湖小志

卷一

九

二月菜花滿塍柳稊如茵汲泥之舟旁午若織湖蕩間各有泥塘貯泥其中俟少堅分運於畝擔泥之夫如虬蟬螳子邪許相和聲應遠邇山農無是也惟湖居運河之西高堰之東五壩開而漕隄銅水激逆奔浪高於屋自釣魚臺以北荒湖以東一片汪洋直連樊良麓社數百里爲一海向者膏腴之產已付波臣屋隨風去人偕牛殪彼山農者又有以傲之矣

敘漁第五

湖中人多業漁其大者有三一曰風兜用大船蒲帆雙植大罟繫船後風浪大作時鼓於湖心往來如奔馬每度可得魚數百斤二曰泥網亦用大船大罟俟無風時圍而獵焉所得亦多三曰羅結繩爲之銳其末沈水中張口當急流每獲亦可百餘斤

其次曰籠罩一人以罟繫植木五置水中一人以竹篙搗之魚驚上竄升其罟以受魚得魚亞於罟曰旋網一人立船頭兩手撒網平鋪水面網之周皆鐵脚沈入水底徐收其中繩則鐵脚斂而魚包其中曰大索以索布水面魚之性見索則不前一人立船上以罩沿索取之每得大魚其下曰抹灘兩人持網端裸行水中力牽而行其人云水唯八月最寒能於是月行水中雖冰雪不畏也曰張卡以線牽水面用竹簽銳其兩端屈曲環於線上鍵以菱梗誘以麥魚食麥則口爲簽困漁之巧者莫如此所獲多鮑味最鮮曰張丫子剖竹編如人字形置淺水中黃鰱泥鰱入無他魚或亦得蛇曰父以短竹置四刃矛於末一人左右手各持一沿湖濱或溪澗取之曰花籃編竹如籬狀梅雨時

北湖小志

卷一

置圩田中諸魚逆流而上每旅入不能出曰打避風繫一網於兩船間各用木擊船作聲以迫魚入曰跳白用小船粉望其板月下行湖中以誘魚曰張瓦用兩瓦合之置柳根或菱草中虎鯊以爲巢清晨舉之每瓦中可得雙曰推板湖淺時一人左手持長竿竿端午以板推水中右手持罩魚隨板躍以罩罩之曰哇船養鴈鷄十餘以繩束其頸放水申得魚不能咽以手哇之然臭惡魚味最下取蟹之法有五一日斷編竹爲棧截水中由南岸以及北岸間三四步曲其勢作門門內多岐覆以箔空一隅置竹匣形圓而銳上謂之老人頭高出籬上天光透入蟹阻于籬遇門而入漸狹且黑不可退見天光上就之遂困于匣三日薰索用大索粗如孟瑗薰以穢草斜繩於湖蟹惡穢不肯過

索乃沿索行至端有網陷入不得出三日釣以長竹曲其首垂
向水置餌於末所得蟹必肥四曰探春二三月蟹居穴沿水濱
以手探穴取之必有得五曰拾秋末蟹肥夜吹沫飛空中性喜
火光則就三更以火照之誘其墜而拾焉取鰕之法有二白
拉拖繫罟於竹牽之行謂之鰕拖曰張籬編竹爲之長尺許形
如貝立水中標以竿鰕自其縫入此外又有取野鴨章雞雜水
鳥之法或以網或以推排以網者繫網於地置餌及媒寒天無
食下就餌牽而蒙之推排以小船載土插柳枝如林浮水上人
裹牛革臥水中推之俟其集也擊以銃銃所及甚濶可得鴨四
五隻或七八隻不等各鎮市設魚肆每晨諸漁以魚集牙僧平
其價販者兌之運於郡城及他所其運魚者行如飛自湖至城

北湖小志

卷一

七

遠者六七十里辰巳之時必至謂之中魚挑每蟹時斷戶積蟹
於倉或以簿圍之困於野狼戾滿地不少惜日以蟹爲糧家人
厭之市僧引販者就其家架大衡稱之載以船多往京口京口
人能辨其爲湖蟹也魚之出高寶湖者色黑蟹味羶惟黃子湖
之鰕色白而味甘蟹厚而脂足出廟灣者白毛尤佳春月湖中
出小魚腹大而頸縮味若河豚其肝亦美食之無毒里人稱斑
子魚又有麩條魚里人賤之城中人貴之鰕之小者曰鱖鮓魚
至大僅五六寸狗頭羅漢身狹味鮮美用以作羹別具野逸之
趣菱之類美者曰垂角青野生者曰葱管子曰鬼父父每七八
月菱葉如盤菱花吐白種菱者乘小舟以竹竿於水面往來揮
拂所以逐蟲也實旣成采摘入市亦投魚肆牧鴨之人買乳鴨

於蘇常至秋復販於蘇常賣焉以太湖之種蓄於黃子諸湖食
魚稻肥厚異常謂之湖鴨一小舟率千百舉竹一揮貼然不亂
馴物之性固有道邪至於夏月雨中磯頭橋尾有攜簪垂釣以
爲樂者是則酒人詞客聊爾寄懷非業魚者類矣

敘舊俗第六

循家歲時之薦用酒琰四枚置諸席之四隅徐以酒盈之幼時
問其義於先君子先君子曰舊俗也康熙以前凡鄉人宴客每
席止用酒琰一首首席以至末席次第飲之人攜一巾飲畢以
巾拭其餘漚遞相授受酬酢交錯皆此一琰而已蓋古禮之遺
意猶存於鄉者如此旣而增爲四置四隅兩而一焉視乎用一
琰者已不古矣乃近則人設一琰視四隅之設又變祭薦用四

北湖小志

卷一

七

琰於四隅存舊俗也不用一琰者吾生之初薦已用四不敢增
亦不敢損也余後聞明經楊先生蔚書言亦然楊先生又云昔
時農家不飲酒有醉於市者其家人衆咻之農給之曰酒非美
物天罰我使飲非得已也明日以醋和穢泔水貽其家人皆攢
眉蹙額曰酒誠非美物也遂以爲誠族父焦時若云向時里人
履皆婦女自爲不用紵無買於市者偶一人素往來郡城歸著
紵履入市居人羣詢之面赤急易布履而出冬月衣裘者惟一
二作宦之家然止一裘非慶賀之事弗衣也余幼年見鄉人歲
時飲宴酒皆家釀饌不過魚肉菘韭而已無用海味者盛席用
四小梓盛果蔬四中梓盛乾肉醃魚之類四大梓盛鮮魚湖鴨
之類謂之四喜不知有八簋十六碟之飾也婚喪之事務求其

實嫁娶多製布衣棺木必取堅緻無解文無費物每歲祀土神
則有社祀厲神則有社人釀百錢備酒殺雞歡飲以爲好其有
農事則鄉鄰互助爲力除完糧外不多入城農夫漁戶聞巡檢
司卽生畏心爭鬪詬誶尋卽自解曰不可令官聞也二十年來
蓋亦反乎是矣

北湖小志

卷一

三

蓋亦反乎是矣

北湖小志卷一

北湖小志卷一

北湖小志卷一

北湖小志卷一

北湖小志卷二

江都焦循著

開元寺記第一
開元寺在白茆湖之南去黃珏橋三里相傳起於唐開元時按
唐會要天授元年十月二十九日兩京及天下諸州各置大雲
寺一所開元二十六年六月一日並改爲開元寺唐詩人劉長
卿盧綸羅隱遊揚州開元寺皆有詩未知卽此寺否也康熙初
高郵孫虞橋吏部葬其夫人形家言寺基古遂遷寺於西偏而
以古寺之基爲墓旣而寺毀於水寺之僧募而修之吾族曾祖
衛水公及郭進士嗣齡孫舍人濩孫爲之立石記事舍人卽虞
橋吏部之孫也虞橋官京師風節甚著旣歸里以治河忤河帥
北湖小志 卷二 一

適奸民以事誣告遂被逮卒於揚州獄中事詳虞山錢陸燦所
撰墓志銘葬師曰寺基於法中刑殺宜寺不宜墓故旣墓而禍
作信佛者曰地故吉驅佛以便已神弗福也故降以禍至今里
人猶神寺之感應以爲貴至吏部且素賢一奪寺地而禍不旋
踵况下此者乎寺瀕湖屢毀於水屢修起之而修寺者田穀多
豐獲於是寺益盛於前嗚呼其然也哉余聞李相國春芳句陳
瘡墓王尚書軌雷塘墓皆奪寺廟爲之而禍不降吏部營此墳
後世孫曾科第不絕又烏得謂地不吉哉孫步堂曰穴在佛座
下方掘時得一鐘上鐫潘六二字孫夫人行六母家潘氏然則
改寺爲墓固有前定云

社在廟頭鎮司徒廟南康熙間湖中多隱君子詩酒盤桓一時之盛也於是徐畢范施四姓共立社曰畚芳隱四姓之偏旁也社中植花樹起樓閣亭榭每聚會皆在其中四方詩人或聞風而至焉四姓子孫多能詩習祖父之風槩嗣而續之者尙數十年范有女嫁於謝爲余母謝孺人嫂善鼓琴多記軼事言社中有老槐離地五六尺作二岐蜿蜒而上如龍蛇又余族姑爲范珉仲婦以一石印遺余印上畚芳社三字社中物也又一印兩面刻一刻嘯傲烟霞一刻元西閣閣亦社中屋四姓旣中落社乃圯余幼時所見已蕪莠雜生無復片瓦而其形勢尙可見已而爲演劇場已而墾爲稻田其左右畢氏范氏之宅亦無存者所存惟隔水司徒廟而已施氏之裔有名詮者字在寬以詩名其後不知所存而莊宅在五車頭爲彭姓農所有余每過其地爲太息久之

北湖小志

卷二

二

梓潼祠記第三

公道橋鎮西有梓潼祠阮世衡創造先是鎮中呂氏建議而不果世衡慨然起而承之暮年工竣陳霆發作碑記記曰湖濱阮氏家敦古處兄弟不異火而居其子弟絕去輕薄佻巧之習而世衡尤讀書識道理又曰湖濱田肥美畝獲稻數鍾菱蒲菱芡魚鱉鰕蟹之屬數十里爲藪民居沃土得毋貪冒汨於利有操豚蹄而禱是祠者乎是則可羞也世衡首以張仲參宿之說導之使知興於忠孝不得已告以魁斗文昌之說民猶或懼功之不立無以爲進爵地而驕蹇不法淫亂敗度之風庶幾可息豈

非神之願哉余謂此說尙未盡然士之子恒爲士農之子恒爲農工商之子恒爲工商各安其業各守其常斯風俗之淳也仰望其獲漁祝其多販夫販婦期其有餘財何可羞之有文昌進爵士禱可耳豈例之農夫哉吾聞世衡父樞教生三子玉衡世衡詮衡有僕李姓者名元經營商賈利十倍悉舉而歸之土家主分給不受久之遂爲僧諸阮以爲義立此祠居之所以報也族有豪俠者李每泣諫旣而蓄鴉與市兒角勝負注千金弟兄憂之莫能救止詮衡一日晨出僧長跪廳事不起驚問故曰小人發願放生主以鴉施我則起否則跪至死矣豪者默然謝咎竟以鴉與之嗚呼有僕若此誠足以興起忠孝而化驕蹇侈汰之習惜陳君碑記不及此也世衡生應武以武舉人官德州衛

北湖小志

卷二

三

守備應武生承勳字賡堯太學生循婦翁也故得聞立祠之詳
誦芬庄記第四

誦芬庄在黃珏橋西南三里莊西爲大名道楊公懋緒墓莊其丙舍也懋緒字令鴻號簡齋敏壯公捷長子以蔭授戶部員外郎進工部郎中歷浙江分巡溫處僉事陝西涼莊僉事陞潼商叅議遷大名叅議所至有善政噶爾旦之役制府薦理糧務出塞有功凱旋卒於大名官署初敏壯公自以爲武人子孫宜知書每延師以千金聘入學之日疊案作高臺兩力士持師坐臺上壯敏率諸子孫盛衣冠羅拜於下故後世無不能文章通經術懋緒無子以弟之子鑄嗣鑄官至古北口總兵以撻旗人五哥致縊死罷歸生三子景震景達景素達陝西波羅協副將素

直隸總督震字繼伯號武功晚年又號餘齋幼隨父鎮南陽柳林縱觀山川形勝古今遺蹟著爲詩歌雍正六年以蔭補刑部主事十年

世宗憲皇帝御門諸臣奏事未嘗不與上意震越次奏

世宗大奇之卽授浙江衢州府知府調嘉興被吏議落職守軍臺震生四子長元曾次炯次勳次炳方震下獄家產籍沒炯奉母遲恭入莊居未幾丁母喪時震在臺需用又有分賠官帑銀不可緩炯旣葬母乃以刀筆佐人至於伴人獄中得束修資以供父勳爲馬客馳逐塞垣三出張家口走沙漠間得贏餘馳送臺上嘗驅馬傷股因甚不少挫炯居莊聚書千卷沿溪植柳數

北湖小志

卷二

四

百株間以桃李莊左舊有北觀音寺寺多老樹古松相映遂成勝地甲戌震放歸旣縱遊浙聞湘楚間遂退隱莊中釀名酒庭前雜植花樹花月良辰與鄉人飲飲必盡歡暇時讀書不輟有詩云長風巨浪尋常事雨笠烟蓑自在身時年七十餘矣後終於郡城炯字在田官直隸安平縣典史遷福建興糧通判卒於官勳字次筠號退菴錢面髻連鬢而疎身不過五尺與人言啗啞逼人莊居時鄉人以是非就質慷慨斷之無不折服或遠遊歸則謁者滿門雖田夫野老僧人道士老拔退卒無不與之親以屢出塞雪氣刺目目爲之翳以蔭發江南督標署太湖副將日疾告歸亦卒於郡城炯無子勳以子大壯爲兄後大壯字葆貞號竹廬蔭爲輕車都尉授徽州營叅將署安慶協副將

以疾歸莊爲其幼年棲托之所因廣拓之環以長廊通以曲榭增植梅花芍藥補種松千株青翠交蔭水月蘊涵竹廬每半年居此讀書窮弧三角天元一算術鉤深索隱倦則飲酒賦詩相羊於溪聲山影間後人傳之亦里中佳話也

錐壩記第五

邵伯湖之西有龍灣洶其水屈曲萬狀或寬或狹輪囷天矯約三里許近岸處有壩壩之西有磚塔銳如錐里人以其狀名之且以名壩雖高七尺作六觚而南嵌以磚磚上鐫志偈志云劉門韓氏生三子三女夫早逝孀居守節四十餘年持齋奉佛年八十有七萬歷丙申仲春四日子時自身三昧真火焚化歸空偈云靈光一點亮堂堂四大分張不覆藏衆戒參空全體見十

北湖小志

卷二

五

方七戒盡倘佯撰者書者無姓名其詳不可考秦州宮偉鏐記僧行修火化事言火自兩耳出如孔雀尾又述安豐場一僧向人討棺示期火化王心齋就而拜之然則火化之事誠有之矣余謂木之老者若楊柳銀杏柞櫟往往火自中出焚燒至盡木爲火母其焚也固然人有秉木氣多者又茹素無血肉之味以滋之土燥而水枯發爲內火是亦一道也桑維翰之縊虛其氣再三每一噓皆有火出其光赫然又相傳有久病者偶欠酸自口出鬚鬣盡焚此豈奉佛使然邪且人之病淋者或溺石病腫者多化水石水可生火亦可生也究爲病而已矣里人誦志偈怪其語近誕余思其理如是錄而存之傳其節不傳其火化也

黃珏橋東嶽廟記第六

湖中東嶽廟有三一在赤岸湖一在公道橋一在黃珏橋東一
里在黃珏橋者與高忠節公莊宅爲隣廟有鐘康熙三年忠節
子瞻鑄西壁有碑忠節兄子眺立其文云湖之西偏有廟祀東
嶽其地宇湫隘不知何昉眺於順治辛丑春延老僧古顏上人
名海蓮者焚修其中僧一日入定仿佛見神衣綠袍自座降語
曰地有厄將及矣汝可謀之高君急遷吾宇又數日鼓不袍自
鳴僧驚異以告眺眺買裔姓田二畝遷焉是年周橋翟壩決舊
廟址遂沒水中癸卯夏眺從兄昕鑄鐵鑪一置田四畝越十餘
年眺又同兄瞻及昕重修兩廡塑地獄變相廟貌旣盛神愈靈
威鄉民所祀報賽歷百數十年不替已而高氏中落廟之修葺
鄉人公釀金爲之嘉慶初有縣隸聶兆和詭稱道士攜妻子據
北湖小志

卷二

六

於廟以誦經惑人田農男女奔走若狂而聶實不敬神以神殿
爲蓄豬牧牛之所糞汙滿地香火頓稀丙寅除夕日鐘鼓自鳴猶
不懲丁卯二月又以誦經引致男女坊甲稟縣陳於府太守
伊公秉綬杖聶逐之先是水溢四年廟壁傾毀神像殘落里人
惡聶不樂與修至是聶逐民大悅值余病寒誤服藥僵臥不知
人弟律徵及友人沈長年門人謝文英蠲戒禱於廟若有所感
余遂甦乃與弟鳩工修之阮中丞元爲作碑記敘其事嗚呼神
真靈感已哉

傲姑寺記第七

寺以傲姑名甚奇里人云露筋祠祀其姑傲姑寺祀其嫂昔姑
嫂避亂湖干夜苦蚊嫂投旁舍宿姑不肯遂死於蚊論者貞姑

而醜嫂然嫂之真實與姑等有爲嫂白其枉者建寺以傲姑名是說也不可以爲典要雖然吾有感焉姑潔身遠嫌其名顯嫂不爲矯情以沽譽其聲惡旁舍豈必強暴露處豈不可汙夫姑之行魯國男子之行也嫂之行顏叔子柳下惠之行也各行其志矣何傲爲寺在赤岸湖東偏湖水橫澗沙嘴錯綜夜黑風起舟子不知所適每苦於溺昔人於寺側樹高竿懸紅燈以指舟之迷寺僧設湯粥以濟舟人之寒餓故寺之立所關甚鉅而不可廢或曰姑音近湖爲傲湖之譌謂有寺以避風濤則湖失其險或曰傲姑者始建寺之人然皆不可考也嗚呼露筋者驛名也或作露涇或作鹿筋或作路金或謂蚊噉鹿或謂蚊噉醉人今隈岸草間有宿者不聞其殺於蚊且古今同此蚊蚊噉人何至血滴筋露則姑之事且不可知而嫂之事又何深辨乎惟水溢寺圯燈竿久廢舟中之迷莫有指者吾願里之君子重修以濟可也

沙香洲記第八

沙香洲者旣上人名其所棲息之地也在黃珏橋北二里環於水中掩如舟形故以洲名俗謂之大竹墩其北半里又有小竹墩昔皆范氏業明季江都學生姜生齊棄儒而逃於禪不欲居城市又不欲與僧居故與范石城交石城以此地處之結屋墩上架梁於水名其屋曰如是菴名其墩曰沙香洲生齊字雪蒼一字雪腸旣雜樂名上悟號旣時人稱曰旣公亦曰旣上人好苦吟詩多奇氣有旣上人詩集一卷相傳有野雲和尚者結菴

竹墩上僧有異術嘗以紙梏鼠頸人間之曰鼠嚙吾經典及唱
故徵之時湖中諸文士看荷於黃子湖偶天雨著葛衫盡繙則
野雲運墨水所致也已而不知所之十數年後湖中人應省試
者渡江過風浪於蘆中見之速至其菴舍信宿而別約歸棹復
訪之及歸遂迷其處並菴舍不可見其說頗荒誕似小說家言
意者野雲卽雪蒼人見其高奇不諧於俗遂傳會爲是說邪雪
蒼有檄鼠文設食窻與間宣而告之仿韓子鱷魚之祭斯又梏
鼠之說所由來與乃坦菴且謠明有贈野雲道人詞一闕云脩
然四海任雲浮五月尙披裘中山學醉華山學睡幾日蓬頭兩
眉閒似緱山鶴又解替人愁咸陽古道一腔漁鼓只唱歸休則
當時自有野雲矣將雪蒼居大竹墩而野雲居小竹墩與范荃
北湖小志

卷二

八

弔雪蒼詩有一片野雲隨聚散之句以野雲貺雪蒼其偶然與
時又有胡老爺者亦有奇術爲人治病以手撫之則愈湖中某
宅有老木垂百年胡撫一岐榦曰此樹可惜吾止能救此耳明
日雷擊樹悉碎胡所撫榦獨存湖中范某者向胡乞曰君有神
術奈何不令我有子胡頷之已而生女范又語之胡曰吾某日
送一子一女君受女而卻子無咎我也范憶是日夢有持兩筐
來者却其一其神異多類此後化於鳳子嶺草菴中肉軀尙存
今里人稱胡老爺菴是固彰彰可證者而野雲亦其類也兩竹
墩今無復有屋亦莫知其爲沙香洲小竹墩水味甘香品水者
謂在第五泉之上惜乎其晦而不彰也可勝慨哉

珠湖草堂在公道橋東北八里許倪家嘴之西爲阮招勇將軍
釣遊之地將軍子光祿公建亭於草堂之後曰三十六陂亭環
莊大渠曰漁渠亭西高邱曰黃鳥隅隅下小池曰龜蓮沼田外
水草交處曰菱麋小舟曰射鴨船其門上有樓曰湖光山色樓
將軍孫中丞公所題也一時名人多爲八詠焉湖中罕見山色
草堂之樓前臨湖水空濶無所蔽甘泉山色最近每當晴霽隔
江京口諸山及西南橫冷金牛諸山皆展然可見東望露筋祠
岸風帆漁棹往來不絕余每乘小艇出廟灣泛於黃子赤岸之
間宿草堂中登樓而歌相羊不肯去草堂舊有一石碑高及人
肩寬二尺許厚不盈尺首有穿兩面皆剝落無一字似非近代
物也

北湖小志

卷二

九

六湖記第十

甘泉之湖在官河上岸者六曰邵伯湖曰黃子湖曰赤岸湖曰
朱家湖曰白茆湖曰新城湖今里人以在南者爲朱家湖在北
者爲黃子湖在南北兩湖之間者曰邵伯湖以黃子湖中高阜
爲赤岸湖問白茆新城之名莫有能舉者矣舊志謂赤岸湖在
黃子湖西然則近官河而在九頃頭以東者爲黃子湖其九頃
頭以西爲赤岸湖統名之爲黃子湖耳高阜也而湖云乎哉舊
志云黃珏橋在黃子湖南白茆湖北然則白茆湖在黃珏橋南
矣黃珏橋至鰍魚口十五里紅廟半之今呼紅廟以東爲朱家
湖然則紅廟以西爲白茆湖矣今按其地自北而南有劉家嘴
橫亘水中其南有李家嘴自西南指於東北其東有老鶴嘴自

東南指於西北三嘴相湊界爲三湖由劉家嘴而西爲白茆湖由李家嘴而南爲新城湖故舊志云邵伯湖西接白茆南連新城也晉書言謝安出鎮廣陵之步邱築壘曰新城又築埭於城北後人追思之名爲邵伯埭以新城名湖必其地當新城以邵伯名湖必其地當邵伯埭邵伯湖在邵伯鎮北十餘里而邵伯鎮恰當新城湖然則邵伯鎮晉之新城古之步邱也邵伯湖側古邵伯埭所在也明陸弼江都志云浮城岡在城北二十八里豐樂鄉新城湖中高二丈周四十餘丈舊有新城基余詢之里人無浮城岡有蕪城墩俗名蒲扇墩在東西灣離邵伯鎮六七里余特泛舟至其地岡上有廟曰文峰禪院登而望之去湖甚遠弼之所指恐非謂此其所謂新城基在湖中者果何地與舊

圖邵伯湖之南有董家湖規其所在蓋卽白茆新城朱家三湖今劉家嘴以西有董家嘴其所當之湖卽白茆湖之東然則所稱董家湖者將謂是耶而志書又謂白茆湖有斗門橋官河水洄引湖水以濟運是又通朱家湖爲白茆矣今定之白茆湖在黃珏橋之東南其東爲朱家湖朱家湖之南爲新城湖朱家湖之北越湯家泮爲邵伯湖邵伯湖繞東庄嘴而北東抵露筋祠爲黃子湖黃子湖之西至公道橋渡口爲赤岸湖是爲甘泉上河六湖朱家湖或謂之珠璣湖黃珏橋舊志作黃角橋或曰於湖中掘出雙玉故以珏名是傳會焉云爾

北湖小志卷三

江都焦循著

王銓部傳第一

湖中文學盛於王銓部納諫納諫字聖俞號觀濤其先江西人父思恤字念齋官某學訓導納諫生明嘉靖間承文氣卑弱之後奮然有爲以六經爲本而濬以心思時陶望齡董其昌並以文振動一時納諫曰董非陶匹乃學陶久而與之爲一神且越焉萬厯癸卯陶主試應天命題康誥曰克明德一章張榜者以文名一時自以爲必得解元預題燈曰癸卯科解元八月十五夜走文德橋聞有誦文者張聽之頓足立毀其燈曰吾不及此揖而叩之則納諫也納諫以康誥周書太甲商書堯典虞書由北湖小志

卷三

一

周而商由商而虞篇內以邇言立義卓然得未曾有榜發納諫果得元時同考官山陰王思任得卷上之於陶陶方構思作程文不就見此卷大詫以爲一字一句皆已所欲出而代言之曰此天下士也宜取以振文運敦士習遂得元丁未成進士授行人出使榮藩辭樂卻餽榮世子敬禮之以疾假歸家居三載吏部司官缺人爭營之某尙書曰吾知有下帷著書不干進者王君可任也起爲吏部主事五閱月歷四司復以疾歸而月而逝所著書有會心言三卷其書鉤論理致納諫自謂倣子雲法言如云言傳耳則溢書傳本則譌莫神於不忒而怪奇爲下百工有異巧而觀者舞悅造物尤異巧而觀者相忘悅之以其淺忘之以其深聽開竅於耳視開竅於目聰明之體不容不達是以

決離隱密而見其章光亦猶花欲放蕊自破草欲生土自穿擲
瓦於地四五分裂是漫也非道也梅之花五出雪之花六出終
古如斯是道也非漫也毓氣爲蟲精氣爲人二語出
淮南子毓氣爲葉精

氣爲花花心五出葉則無算人有禮義物則採雜鑽核之李不
生鰾卵之雛不成均之乎殘其天者也天道如車轂往則自返
人情如奔駒逸則不還鑽木得火敲石得火未鑽未敲火復何
有或謂火無自體非也芒刺入體甚者成創創久氣復必出其
刺蓋非吾體者自拒而不納也兒多慧老多忘兒多樂老多悲
知器不知化譬以石之堅疑水之流禽之制在氣竹雞鳴聲能
使白蟻化爲水非以齒牙瓜角侵及之也氣足奪之也道勝不
祥於此可悟其理水體不頓進亦不頓涸火體則不然燼可倏

北湖小志

卷三

二

熾熾可倏燼陰有方而陽不測也擊楫而生波戛於水也搖萋
而得風戛於氣也人七尺身居丈室不存其一隅在天下能爲
有無精者載之形本貞靜附氣而動氣本屢遷附形而凝氣雖
無知敏於百慮余食魚見魚之脊肉纘理而豎其腹肉疏理而
柔腹脊相接有一線痕判若刀畫不相涉入因歎氣化分際如
此截然如樹之結果自蒂以下是樹分際自蒂以上是果分際
故或樹槁而果不知或果落而樹不知白刃如林入而不傷其
身者在生分際不與死會也失火四隣爲燼而歸然以其室獨
存者在吉分際不與凶會也老莊貴無吾道貴初何言乎貴初
也曰訂譎書者返其初本天道主始令終則俟之人雪白必汗
花馨必萎紛披狼籍不復悵惜者靈奇能發不能固也觀一樹

生意莫如初苗之芽觀一莖生意莫如初齒之花飫不如膏成
不如將染髮不可以延歲強笑不可以怡神度物者以丈尺度
天者以矩表矩表者通乎丈尺之所窮也易以象教爲言教有
窮耳虛以通乎實之窮律有短長而氣與之應象有奇偶而道
與之存律中度然後氣應禮中節然後神格神如火光鬼如火
燼不穆穆不足以見天地之大也不漠漠不足以寄天道之神
也騶虞與虎狼並生而不妨天地之仁渾淪殺雜者乃所以爲
靈奇博大也龍奮以春蛩鳴以秋材之微鉅至爲不侔然各當
其時則伸不當其時則詘天道大矣有詘伸無是非人情恠執
故貪生怖死造化以日新爲德迭用生死大定者不小遷命之
制也秋霜殺物不別芝艾天子人半不與人全予以智慮足以
北湖小志

卷三

三

就利避害而又予以不可避就予以精英足以殫見洽聞而又
予以不可聞見天之福常人也逸之福非常人也勞之鬻之逸
不如目之勞也眉無功而上於目心有智而下於首皆各得其
分天不名一巧故算寒暑者有憑占雨暘者不驗水隨地而制
平聖隨物而制正枝去樹則葉萎命系於彼也果去樹則種存
性足於此也嗜腥腐者味之譌好貨色者性之譌寒氣清肅譌
而爲慘慄暑氣融冶譌而爲鬱蒸故夫洩冶之危言譌而爲狐
咥之哭國而皆忠之譌豫讓之報仇譌而爲荆軻之刼刺而皆
義之譌扶牀而立烏知其非痿也扶杖而行烏知其非跛也治
痿痺者灼之而知痛則喜以其生脉之猶存也人未有自致者
也必也親喪乎此灼之知痛之類也處女之烈最決孺子之慕

最情山叟之愚最愿惡無心謂之過善無跡謂之文野人之畱
客也捉其裾而強之酒士大夫則揖讓而已非士大夫愛客顧
不若野人也亦微著之謂也物欲浸微則浸滅以微爲不足以
著爲有餘道心愈微則愈精以著爲不足以微爲有餘故用微
則物欲日去道心日存至德不妨受垢至明不妨受欺狷潔德
之下也確精明之傷也魚脫於網不脫於淵兔逃於罝不逃於
林小智恡惜大道無外以智鬪智則智日熾以無智容有智則
智日亡至孝間無可表至治史無可書才之所盡亦道之所止
視能見不能隔垣見也故君子不務能其所不能而務能其所
能唯不能其所能是誠不能自無適有謂之新自有適有謂之
塵瀟灑日夕勝活千齡好名尙勝自得之訛人神躁則欲離其

北湖小志

卷三

四

形交趨炎則欲棄其故成法揜智師心破學臆而得之鑿鑿如
也其味淺學而得之融融如也其味長江東於峽其流峻士束
於窮其學密與智者言可以悟與愚者言可以習衣旣垢不復
護其染也器旣敗不復防其摧也故君子慎初人盡爲鳳孰爲
之雞醫消否過半則止更投平緩之劑聽其自消恐併傷元氣
也故凡攻伐克治者得半者也法太巧則衆不能行旨太深則
庸不能喻湖大風多事大變多人明我暗以暗距明其恚猶淺
我明人暗以暗激明其恚更深欲人我相安也雖明勿執權應
乎天非徇乎人聽於無情不聽於有情吏宜其民猶圍宜其馬
又著周易翼注三卷四書翼注六卷初日齋集七卷評選之書
有左國映古文啟秀蘇文小品若干卷

焦循曰循聞諸先君子云銓部少貧授徒某氏館人餽以粽且讀且嚙誤染粽於硯朱墨盈唇吻間不知也又在京師與諸同年生謁座師周某堂上列壽屏文甚佳默誦良久衆人哂以迂數年後周於廣座中偶及此屏銓部誦之不遺一字銓部自序云余幼師廷用張先生先生嗜先秦漢魏家言余竊得其崖略已而應童子試輒蹶或謂之先生曰否否是遠到術也余事先生久窶而得卒業困而得須時徵先生之力不及此嗚呼學者談科目輒稱銓部而篤志好學乃如此也里之君子亦法銓部焉可矣

忠節高僉事傳第二 瞻 暉 文 闈

高忠節公名邦佐字以道號畏白本山西襄陵人祖鏗臨清州

北湖小志

卷三

五

吏目父溱沂州府同知先世中監淮南故公以襄陵籍居江都宅在黃珏橋東北里許公以兵備參政分巡廣寧明天啟元年死於難初撫臣王化貞與經臣熊廷弼議不合化貞用孫得功計與

王師戰於平陽橋得功敗降於我謀縛化貞宣言

大軍已薄城化貞駭極棄廣寧遁廣寧之人亦從而遁公禁止之不可急馳閭陽乞師於廷弼不得請時二僕高永高厚千總盧科從說公曰公有母朝廷已命公歸養卽去誰咎公者且公之位孰與王能若且走矣公曰不可一日未去官一日爲廣寧守將何之夜秉燭作家書授兩僕以印綬自縊死永乃謂厚曰主人死地下無從者我死爾以屍歸且得傳主人死狀厚與爭

死永不可曰爾無負我言死不死一也亦縊死盧科曰廣寧破
吾家十二口皆死我以公在未卽死也乃與厚詣廷弼乞殮公
不許曰爾主不欲生入關肯死入關乎焚其署而遁厚年十九
乞馬不可得乃步行由廣寧入京師由京師至於揚艱難盡瘁
皮骨僅存得以書達公母科狀魁梧多力厚所以得達者科之
力也明廷聞公狀賜祭葬贈太僕卿謚忠節世蔭一子錦衣百
戶公萬厯甲午舉人乙未進士初任山東壽光縣知縣擢戶部
主事轉員外郎出守永平進副使備兵天津擢陝西參政丁嫡
母憂服除備兵薊州所至政績皆卓然有聲載在明史及公之
子暄所爲行狀公兄弟六人公居末生六子長曜縣學生次暄
以蔭爲錦衣衛指揮僉事在職每論大事多平反數與中貴人

北湖小志

卷三

六

忤中貴人將故入人暄持不可因罷歸方中貴人怒不可測或
危之暄之子文瀾方十齡揚揚言曰吾家故不怖死猶有鬼神
豈獨遺於公禍乎暄旣歸湖以文章諫子弟不復問朝事乙酉
王師破揚州城中人有死者事定暄入城弔死問傷市間暴骨
多賴以殮先是與鄭職方元勳交善高傑之亂職方死之家日
替暄聘其女爲文瀾婦暄字孔昭康熙間卒於弟暉徽州署中
文瀾字溯從號澹園初名堅例當廢龔部臣以聞思宗覽狀泣
然曰此松山死難高僉事孫邪詔改今名暄嘗與言忠節事謂
是時廷弼固守右屯俾化貞入關共收餘燼尙足以支公且可
以無死文瀾曰

王師天授非廷弼所能拒公終必死也暄大奇之相與泣下

本朝補揚州府學生厭制舉文不欲僕僕就督學試援例爲太學生年八十與湖干老友乘舟爲烟水之遊時人慕之噎弟曦天敬乙未進士陝西寶雞縣知縣曦弟昕縣學生昕弟暉順治戊戌進士蘇州府知府凡西人中鹽者於揚州設商籍或歸試故高氏自忠節以下有籍平陽有籍揚州也暉字蒼巖與城中桑豸仲渭千交每月一至城相與論文爲歌詩酣飲和之始仕爲雲南曲靖縣推官時滇省初定士困於役公痛哭請於當事甦其困且緩其征輸士有破衣冠者解已衣冠贈之士民多感泣著滇遊草一卷遷徽州府同知決疑獄擒獲盜魁大吏稱其能旣而知蘇州建育嬰堂請減浮糧吳中饑爲食於路以餉餓者時軍興羽檄紛馳委建戍防兵舍千間暉首倡捐俸得不厲

北湖小志

卷三

七

民造戰艦暉採木洞庭身陷泥淖不憚勞苦用是成病吳中醫習爲輕淡不知峻補臨沒時呼吾骨甚寒須大劑而醫終不聽也哀哉公幼以孝弟稱母病刲股以療居喪盡禮曦令寶雞縣劇盤錯公間關走數千里代爲理治體卒於徽署棺槨之美哭泣之哀力竭腐心無有遺憾送葬百里乃還沒之日敝篋止圖書數十卷歛以薄棺君子曰暉事親孝事兄悌居官忠以廉不愧爲忠節子也暉子文濟入揚州商籍官萊州府知府濟子土琮府學生琮弟士珣珣子相州官廣惠府知府昕子文濛濛子爲棟棟子焯焯子基世讀書爲諸生

焦循曰嗚呼基之子錄近居余莊嘗從余弟季蕃遊讀書余家問以忠節事不能知也其於忠節第六世孫耳循幼年隨家君

省墓泛舟湖中過高家橋家君每指高氏莊宅說忠節事高氏
余戚也亦嘗往來其宅間今三十年宅屋爲水嚙半圯其存者
且易姓焉是可慨夫

忠臣梁飲光傳第三

梁于涇字飲光號谷菴江都人族居北湖之梁家巷明時湖中
巨姓惟孫梁最顯兩族多讀書人于涇少以詩名與鄭元勳李
大生姚永言鄭爲虹梁應圻閻汝哲徐性之強惟良姜承宗顧
爾遭高五聚爲竹西續社中崇禎庚午科舉人癸未與元勳爲
虹王玉藻同登進士第後爲虹死於仙霞關之難元勳說高傑
以救郡人爲奸民所戕玉藻棄印綬佯狂不仕說者以東陵栗
里比之于涇盡節萬安尤爲忠烈一榜中得忠義四人皆籍江

北湖小志

卷三

八

都可謂盛矣明史云叛將白之裔入萬安江西巡撫曠昭被執
知縣梁于涇死之殉節錄云白之裔入萬安于涇正衣冠投水
死舊江都志云馬士英忌于涇能除爲萬安令未數月兵猝至
城下公死守力盡乃秉燭北面拜自經家人救之不死遂見執
時家屬居郭外勒寫書招之否則屠其鄉于涇曰國破家亡妻
孥何恤忍殃及於民邪卽招至投江不死絕粒三日不死繫南
昌獄主帥使勸慰之于涇指鬚眉示曰此豈視顏避禍者哉遂
不言死獄中其僕殉死者五人梁善杜忠龔明張聰聰妻徐氏
甘泉志云投江時爲邏者所獲囚南昌獄中布袍談笑賦一詩
自經死詩曰但知生富貴誰識死功名到頭成箇是方見古人
情所著有谷菴集若干卷孫嘉稷字五黎嘗從姜青藜將軍客

滇南縱覽蒼山洱海之盛著瀾陵山人萬里遊草

焦循曰謝九成湖居譜敘云我祖父慕川公與梁飲光先生爲中表兄弟先生嘗勸我祖睦本族修祖墓今中街一宅卽券買梁公之業九成兄九臯爲循嫡母謝孺人之祖父梁公之宅循外祖天霽居之與吳重光宅連牆合宇疑重光宅亦梁氏業今吳宅售於樊而循外祖之宅傳子及於孫曾未徙也谷菴集求之不得而詩之刻於鄭氏影園集中者尙多郭自瞻縣學形勢說云梁飲光先生同徐石鐘於學宮前起巽樓開南窻收江南山水秀氣今巽樓故在過其地者鮮知爲先生之遺也讀五桑辭墓詩有所謂蜿蜒甘泉山爲我祖父墓則先生葬處於此仿佛得之惜乎松楸蔓草之間終莫可蹤跡云

北湖小志

卷三

九

王螺山傳第四

方岐 方魏

循幼年至表叔王容若家見其所藏螺山公像不冠帶而科頭容若曰公自浙歸隱於農遺命不冠而殮故畫像如之也詢以在浙之事本末容若不能言乾隆乙卯循在浙徧閱浙西諸志書僅慈谿縣志稍及公之名氏事蹟仍不詳嘉慶辛酉始得見全太史祖望鮑集寫本詳載螺山公事略題曰明兵科給事中前知慈谿縣江都王公其畧曰王公諱玉藻字螺山南直隸揚州府江都縣人司勳郎納諫之子崇禎癸未進士釋褐知浙之慈谿縣事子良和平民不擾而事集未期年北都亡故少詹項煜以從逆亡命來慈之馮公元颺與公皆出其門馮氏匿之夾田橋之別業慈之義民不容撲而滄之橋下公不問明人重

聞誼或以公爲過公曰吾不能爲向雒之待鍾會哉夫君臣之與師友果孰重聞者聳然乙酉夏大江以南盡附浙中百城守令或棄官去否則降而公與沈公宸荃起兵晉御史仍知縣事公募義勇請赴江上自効乃解縣事以兵科都給事往軍前任事邁往壯氣勃勃而江上諸帥惡之先不予以餉公曰是將割刃於我也乃力請還朝其在垣中雅持正議又不爲諸臣所喜乃力求罷莊太常元辰留之丙戌夏浙東再破公黃冠行遯於剡溪不肯歸久而資糧俱盡慈民及浙東之義士時時周之妻收遺秉子拾墮樵不以爲苦窮阨至老不衰每臨流讀所作詩激厲慷慨仰天起舞辛卯以後始歸故鄉卒以窮死又云前此寧之父老嘗爲之祀今亦廢矣問之揚人無知公者問之寧人

北湖小志

卷三

十

亦無知公者嗚呼公歸而隱隱而死人無知之者不亦宜哉生二子長方岐次方魏

方岐字武徵號蒙谷承父志不求仕與李宗孔汪懋麟吳綺訂閒閒社三君既貴乃與鄭聽菴汪枕濤彭退菴李松崖湯茗仙宗響山徐峯山宗嬾臞梁素菴爲竹西十逸徐元美記其事范荃作傳而贊之著蒙齋文集十六卷詩八卷祛塵錄哀談若干卷方岐沒同里史炤作文以祭之云吁嗟乎予身之將老值此執友之云亡不得與數晨夕考德修業以相羊而樂桑麻不得質疑問難上下古今以指示夫疵瑕是以賜一日而九廻居則忽忽如或過差憶昔我友敦其若樸曠其若谷吐爲文章灼灼其華攬六代唐宋之精英闢曲徑而收百家胡爲乎惟飲邗水

以樂饑未嘗建旗鼓而驅屯雲之車予故惆悵而齟齬俛首而
憂啞

方魏字大名號薊城螺山在浙方魏與兄方岐從之鼎革後隨
父歸湖遂不出時祖父之門生故人半在仕途以書招之堅拒
不答閉戶著書四十年不入郡城不投徒不遊不酒食往來渾
渾穆穆以全其天精研易理著周易廣義十卷纂周易解一卷
廣義厄於火纂解分太極兩儀四象圖書卦義爻義凡六篇其
說太極云太者大之義卽大哉乾元極者至之義卽至哉坤元
又云卵中包含黃白內黃爲陽外白爲陰草木之實核以藏仁
人物之胞胎血以裹氣是時陽在內生機業已亭毒陰在外意
象猶然杳冥太極之象也周子太極圖中分黑白而又黑交於

北湖小志

卷三

七

白白交於黑此則太極已剖非復陰含陽之象太極以陽爲主
故其體圓其數一凡爻近陽者利遠陽者窮向陽者榮背陽者
辱承陽輔陽者吉乘陽蹈陽者凶善書法有宋釋十七帖一部
里人重其人得其所書至今珍之玉藻墓在城西雙墩方岐附
方魏墓在誦芬庄右數十步嘉慶十年有私毀其塋域者循告
諸縣君陳公觀國得改正明年秦太史恩復楊都尉大壯阮中
丞元重葺其墓立碑石曰大清處士大名玉君之墓
焦循曰郡縣志以螺山傳入文苑而稱其高栗里之節作絕命
詩以逝又不詳其詩與事之本末及閱范荃竹隱居隨筆載螺
山絕筆詩云半生辛苦泣孤臣騰得乾乾淨淨身四大旣崩神
識散這篇草稿付誰人嗚呼其志可悲矣公字質夫螺山其號

也

陳歐村傳第五 卓 廷相 元度

陳昇字邦顯號歐村本浙江餘姚人祖德避元亂居揚州北湖豐樂鄉之周家樓周太保光奇其貌以女善緣女焉德生禮禮生源源生昇昇善事其父兄父入城市昇執鞭徒步從曰不敢與尊者聯騎也積勤家日裕施田爲義冢以瘞札瘡幣鬻者明嘉靖間歲饑加以師旅郡縣憂之昇命其子傾所蓄輸官以舒時急有司以爲義鄰戚之無依者居以廬飯以粟賻贈無所吝故有僧道橋橋比昇以百金倡鄉人且躬督其成易名曰河口橋今稱公道橋是也又徧修雷塘諸橋自凡民無病涉者性恬澹以經術課諸孫爲里中排難解紛有弗相能者昇平心處之

北湖小志

卷三

三

各心服去有司以鄉飲徵辭弗就年七十七卒于嘉靖八年五月五日生二子琪瑤瑤歲貢生處州府同知孫銑歸安縣知縣紹思郡學生紹伊邑增廣生紹夔紹益歲貢生虹縣教諭曾孫世雋內閣中書世傑武舉湖州府總運匡世郡學生時濟魯王府教授時汲郡學生夢鶴郡學生夢日郡學生夢雷禮部儒士維世國子監生卓嘉誼並順治丙戌舉人嘉誼官冀州知州卓別見後

焦循曰余泛舟黃子湖每過所謂歐陽墩者相傳爲陳氏老墳而未悉其何如人閱明崔桐東洲續集載歐村陳君墓志其銘曰有墩歐陽千載所藏乃知陳氏老墳卽歐村葬處也本東洲所志備錄于篇

卓字懋修順治丁亥進士由刑部郎遷楚藩參議四川提學兼事時蜀新定諸生文業荒廢卓出所攜經籍令傳寫轉相教授由是文風日振按試保寧府值劇賊劉文秀猝至卓乘城分守拒却之敘功擢陝西臨鞏道副使復官商分茶之法辨部民受逆猶鴆劉者民咸德之再擢湖廣上荆南道參政告歸卒祀鄉賢事見府志惜不詳也

紹益子輔世字德修號况仙順治丁酉舉人辛丑進士觀政刑部生子廷相字浩海一字百師邑增廣生康熙甲子
聖祖南巡廷相獻賦河干

召試御舟中賦詩揮筆立就一時朝貴傾慕以爲異才性倜儻不羈每科頭跣足吟嘯自得見者以爲狂娶于高爲忠節公女北湖小志

卷三

三

孫與范石湖焦雲章倡和于湖西別業廷相家黃子湖亦有別墅饒水竹之盛爲高人名士所往來著有湖干詩文合集若干卷墓在桑園生四子元煥元位元度元治

元度字武岡號野堂康熙壬午舉人丙戌進士授直隸赤城令赤縣爲宣府九邊之地土瘠民勞西事方興軍需旁午宣郡每歲喂養彘駝五千餘隻赤應分喂五百有奇歲需草十數萬束向例每束官價三釐元度獨倍價給之口北監司荆門江公把臂謂曰人皆沿例君獨倍之民則蘇矣子母乃困乎元度對曰與使一縣民困毋寧使吏一家困也州縣喂養彘駝例于次年之春運於陝凡木鞍草屨荆筐等具需牛二百餘頭前官悉取諸民有牛之家無不立破百姓先期損價賣牛期免于難元度

曰剝民之力以爲功義之所不敢出也坐視民顛而不爲之救心之所不忍安也於是先期傳示曰來春橐駝赴陝之役不需民間一牛不費民間一錢其車輛運送之資余當解俸以備民其各安業無恐清俸不足濟以衣被首飾囊爲一空而百姓賴免於是廉能之聲播於上下鄰邑有疑案須覆鞫者上官輒檄元度會勘治赤十年無三月罰俸之遣雍正四年八月

上命部院大臣稽查各府縣倉糧同時解任者四十二員元度赴部引見

上問曰爾有虧空否元度奏曰臣無虧空復問有借糶否元度奏曰臣無借糶

上喜卽命內地補用六年七月任河南郟縣令八年十月內擢

北湖小志

卷三

七

刑部湖廣清吏司主事家宰靜海勵公少司寇平江吳公謂元度能將以御史薦元度以年踰七旬老宜知止乃乞歸年八十三卒于家著有野堂集金臺還璞集生二子長起唐河南陝汝道次起夏候選知縣起唐生鵬搏之綸應瑄鳳翥起夏生應詔應鼎開運宏運之綸乾隆庚午舉人應瑄雲南元謀縣知縣應詔山東東阿縣知縣鵬搏生二子曜煦

焦循曰余旣爲歐村立傳歐村裔孫璣字邕爲以京江張相國玉書所撰德公墓碑及野堂行狀寄余余通考之歐村以下凡九世瞭若列眉而科甲仕籍爲湖中最非歐村之德之遠哉崔東洲敘歐村孫八人銑紹虞紹思紹先紹伊紹齊館紹譽曾孫五人時濟時汲時潤五十孝孫今從元度鄉會試殊卷履歷蓋

名有更易其異同之故不可考也附存于此以俟知者

徐慧菴李梅舟傳第六

徐宗麟字慧菴一字蕙菴中明天啟丁卯科武舉人崇禎庚辰成進士官杭州遊擊擢十六關副將甲申後遂隱跨驢攜酒于西湖之上旣歸隱於湖與湖中高士訂吟社沈酣于詩酒閒放而終有辭徵詩云天縱深林老櫟樗驚看雲壑駐安車餐松只合潛鶯谷扈蓮何緣降鶴書好爵豈移泉石性幽情偏適薜蘿居餘生得遂巢由志小艇烟蓑獨釣魚

李潛昭字梅舟宋丞相庭芝十四世孫明府學生鼎革棄諸生隱居黃子湖之野牛灣築斗室以草木自娛足跡不入城市同學顯貴未嘗通一札素有潔癖善音律長于刻印著半萬樓史

北湖小志

卷三

五

要論歷代世系紀泡菴樂府印譜共若干卷

焦循曰舊相傳有湖中三高士曰阮玉鉉曰葉彌廣曰強惟良余過七里瀧謁子陵祠堂見玉鉉所書天子故人扁於衆中最矯矯獨出而郡城諸石碑碣往往爲其手書彌廣字博之明侍郎相族孫家沒於兵獨身隱於湖惟良字真長嘗於影園集中見其所爲詩今湖中多強姓務農牧鴨不知於惟良何如求三子之居莫可得也坦菴薨吟有難後懷慧菴詞一闕注順治丙戌而范荃詩集中康熙甲寅有徐慧菴先生見過留飲詩蓋相去三十年其歸之歲月則不可考矣梅舟本未見海門李氏譜惜說之不詳而所著書又不可見然誦慧菴詩婉而決遠而不激誠高士之風與誠高士之風與

范荃本名恒美字德一號石湖其卒也自書墓石曰今之石湖石湖生於明季卒於

國朝康熙乙酉年七十三博學多文不應有司試同人勸石湖仕石湖以書答云閉門靜坐啜茗聽鸚與二三童子周旋外或沈酣史籍上下今古或商榷風雅考訂譌僞興之所至筆墨淋漓五字刻成千古立就真不知天高地厚樂境無窮安往而不得其爲我者何暇僕僕向海陵道上作旅人邪自撰盟鷗野老傳云野老湖上布衣也幼讀書苦疾痰藥裊書籤旅進旅退五歲卽握秃筆作擘窠字甫就外傳能解四聲課以偶句應答如響八九歲輒搖筆作詩句父師嚴禁弗許然竈牆廁壁塗著皆

北湖小志

卷三

六

滿十七歲先大人見昔弟兄析居惘惘胥脊竟不能名一錢間貨租米得假銀以爲精鏐什襲藏之久識其僞擲同瓦礫其不善生計類如此胞妹遣嫁備物備禮其於親族往來不計報稱惟務豐腆間有以急難告者不辨真僞傾囊助之衣物器用悉與人共之數千金不十年折入子錢之手年三十去爲童子師環堵蕭然嘯歌自適奉老母僅供菽水有偕隱之志所配爲名家子椎髻大布相得甚歡人謂有梁孟風人固不知野老野老亦不求人知也惟坦菴霞汀爲忘年交友赤城瑤房澹園諸子年齒後先稱莫逆迨諸君散亡老母殂逝其貧益甚五十始滿妻妾繼沒村居岑寂松岑招致家塾盤桓六七載書囊轉徙又及十年其所交遊皆亡機之侶雖日處囂塵中而淡泊自甘不

欲以口腹累人佳時良日觀花聽鳥多從侶菴遊居烏衣巷日
左右多素心人頗稱良友其所從遊多士林時彥惠顧殷勤咸
有依依之意惟引年周旋慰勞稍長如一日此又野老所倚爲
終始者也野老性嗜酒量不勝蕉葉老來雖空杯在手胸次若
春雲盎然微事搗詞達旦不倦一遇機深伎求之人及各位薰
灼者疾走避去故不諧於俗兩兒子亦不令讀書負販懋遷粗
給朝夕吟弄之興老而彌篤率意自娛不較工拙亦不欲流傳
自適而已慕宋范文穆公詩詞卽號其號曰盟鷗亦文穆軒名
也年已七十矣故曰野老云贊曰一畝之官能不我容十笏之
室能不我卽惟不容斯無營惟不卽斯自得戴高履厚不跼不
踣履道坦坦無反無側雖不敢謂

北湖小志

卷三

七

聖世之逸民亦庶幾乎徐孺子之自食其力著讀史小識二卷
竹隱居隨筆二卷文集四卷詩集五卷梅花詩一卷論語詩一
卷其詩餘有春雨詞一卷秋陰一卷秋花雜詠一卷柳塘寤語
一卷今之石湖詞一卷劉隨州詩評一卷范氏家乘作宦津梁
若干卷門人郭嗣齡題其畫像云先生生北湖之濱教授生徒
由鄉里而郡國四方之士爭以出其門爲榮先生行履聖賢之
中庸學擬經史之精粹發爲詩文莫非中音旁及詞賦儷句皆
流溢於自然門下士得其緒餘有聲蠶序者甚衆而擢取科第
者今甫四人如嗣輩碌碌莫能大顯先生之學卽於制舉一體
稍窺門戶而他端又多能者終不能測其一二也先生旣卒揚
之稍知文義者念先生無不神往每於鉅麗之製則必同聲嘆

曰惜先生已逝無能勝此者他家皆承襲陳因耳於先生自署
其和曰詩人先生詎僅詩人已哉娶王氏生一子頤妾生一子
頤霞汀姓羅氏名煜字然倩其先歿人隱居北湖與坦菴石湖
以詞相角著霞汀詩餘一卷其論詩云世之耳食者輒謂大歷
以後卑弱委爾不足取法而顧以盛唐爲正鵠不知盛唐之詩
人自爲家調亦屢變少陵夔邱以後青蓮夜郎以還一人之詩
亦備四氣焉得而指之曰某某中晚某某初盛卽欲字櫛句比
分年畫月又安知所謂初盛者不劣於中晚所謂中晚者不優
於初盛邪中晚之詩法制悉備音節益諧其間特出之士真足
鼓吹休明揚扞風雅余欲今之學者於此致意焉則金和玉節
可協聲歌酌雅稟經可襄文教學爲真中晚不爲僞初盛也有

北湖小志

卷二

七

唐詩中晚詩鈔行世赤城瑤房兄弟也姓張氏瑤房名元琪論
文以六經爲旨歸以先秦兩漢爲繩墨參之莊騷以鬯其旨涉
之韓柳以肆其趣期以歲月沈酣歌笑然後眼高氣厲胸羅恢
拓所著瑤房詩一卷後遷居橋墅澹園姓黃氏名字不詳身後
遺一子隨母他適沒於水又有喬江樵呂尊舟談子正陳浩海
尊舟好禪學談先世多武功誥券猶存其詳不可聞石湖弟子
知名者謝九成郭嗣齡郭德嘉郭繩其喬慎言喬慎行馬溶
陳涵叔紀元斌高翊徐喬藩謝余銓嗣齡以文章教其子弟
揚州之士翕然從之故揚之文開於郭氏郭氏之學則受之於
荃荃不仕而以其學開揚士之先百數十年文學甲於他郡荃
實啟之荃不以文名遂無復有知荃者也

焦循曰余幼年受業表兄秋帆范君范君嘗謂其族中有石湖者隱君子也不汲汲於名故其遺書多不傳而子孫亦無人矣後於里中徧訪問之僅得詩三四首文二三篇而已而所傳軼事亦無徵信丹徒王豫謂余云子向所稱范石湖者吾見其遺書存於城南陳氏乃訪之陳君素村慨然畀余皆石湖手跡也素村曰石湖之壻蘇節臣藏之以授其子謙蘇氏微藏於蘇之戚簡氏家簡氏吾戚也其後又微故此稿歸於吾嗚呼人患不足傳耳苟有其不可朽雖自晦之而終必彰如金埋泥中精氣之露可計也康熙邑志載范荃名寥寥數語續修邑志者竟刪去之故今郡邑書無石湖名石湖之傳亦微矣哉然當時科第顯奕仕宦巍赫片楮寸墨十不存一而石湖之書歷百餘年之

北湖小志

卷三

九

久轉徙數家完善猶如此余歎石湖之精氣不可沒而尤流連忻慕於素村之爲人素村又藏其遺像白鬚方面布巾繭袍坐竹牀牀上集書卷一几置花尊插秋花數枝一童子奉杖右一童子進杯茗左詩集中稱張際五畫云

孫柳庭傳第八

孫蘭字滋九一名禦寇自號曰柳庭晚年又號聽翁明季爲諸生屢困於場屋乃棄去於書無所不窺尤精九章六書之學順治初西洋人湯若望以太常少卿爲欽天監監正蘭從之授麻法遂盡通泰西推步之術退而言曰西儒以七克爲教似近乎孔門所謂克已復禮者也然接其人其言厯數制器尙象者甚精而所謂天堂地獄則異教也大抵西方之人皆好潔皆焚香

皆拜天神飲食起居皆有唄咒此風氣使然耳王心湛云柳庭通幾何原本之說而著書八卷曰理氣象數辨疑糾謬蓋其學有師承星官麻翁不能與校得失又以中國土地在大圓中才八十一分之一不推極之則狃於習聞習見而無以盡其變於是作格理推事外方考證四論以窮極夫天地之所以始終山川之所以流峙人所以生國所以建古今所以遞沿革人物所以治亂成古今凡三十二篇爲四卷洞乎其有源淵乎其不可測也又推三光之變謂象懸於天無與人事而彗孛盈縮出見皆有常度水旱地震亦有常經同時蓆帽山人史炤作論以破之曰日月之蝕自有常度雖禹湯文武有不能免故有伐鼓於朝退而自責之文不聞紀彗孛於其時也昔者周成王開金縢

之冊而致反風子產修弭災之政而消再火至於拱桑死星退舍堯水而奏平成之績湯旱而有桑林之應皆遇災恐懼修明政令責諸已而應自天如滋九言則火不能止風不能反桑不可死水旱必終爲患熒惑必守其凌犯之度而山崩地裂不免於堯舜之朝也孔子曰君子終日言不遺已憂終日行不遺已患惟智者能之夫恐懼所以除患也敬謹所以越難也滋九是言非獨遺已之憂患將遺於天下後世也漢文帝日食詔曰令至悉思朕之過失及思見知之所不及白以告朕而求賢良直言極諫之士光武時南陽地動下詔恤死者之家免其田租未始不以不明無德天降之災自引咎也夫堯舜禹湯其躬盛德而救災害固非後世可幾成王孝文明德亦未易及而子產以

小國之卿能挽之於天苟以爲無關於人事而莫之挽者皆有愧於子產者也余求孫氏遺書僅見輿地隅說四卷卽王氏所言之三十二篇又見有柳庭人紀四十卷則論史之書也所爲天文常度之說則不可見豈因史氏之言而去之不傳邪其說孟子圭田云或以圭訓潔非也九章方田有圭田求廣縱法有直田截圭田法有圭田截小截大法凡零星不成井之田一以圭法量之圭者合二句股之形井田之外有圭田明繫零星不井者也作山河大地圖說一以赤道爲心一以北京天頂爲心明地圓之旨謂東西無定南北亦無定北極南極之下皆寒而無熱同爲水海幽都中國地界寒熱和平之交故出聖人賢人五印度西洋諸地亦然天地之內動極而如靜者北極也進退而循環者日光也動靜不定游移而遠近者人跡也由天之度準地之里以天之三百六十知地之九萬里圍三徑一知地之厚三萬里折半知地心之一萬五千里人目高卑在地之面以面準心知目高於地心一萬五千里以地之二百五十里準天之一度知北極在天移一度人移在地二百五十里日南一度知地寒氣進二百五十里日北一度知地熱氣進二百五十里遞進遞退至熱極寒極知地面寒熱進退之里以餘寒餘熱相較知地面中和之里以兩極皆寒知地面寒極偏勝之里以日出日入知地面東西遠近之里以天文水法交成而總不出於算禹治洪水乃句股所由生郭守敬精算數測量地平分殺河勢開惠通通惠二河至今賴之其解禹排淮泗注江云淮水發

源胎簪至桐柏流百里而伏溢爲二潭又見流千里會泗至清江浦入海揚州地勢散漫不能約束淮流禹則開清江一渠堰其下流入揚之處一自清江浦入海其餘波之流散不盡者又導之由廬州巢湖胭脂河以入江又導之由盱眙天長六合以入江所謂排淮泗者也後清江浦口久而益濶淮泗盡由之入海而入江之口遂淤今故河蹟猶存也或曰高堰之築始於陳登是則不然使禹開清江浦若不築堰以導淮入之則下流散漫何以入海蓋高堰創自神禹修補或登耳自有清江之河而淮泗清晏數千年無患故周宣王伐淮北之夷曰率彼淮浦王師之所幽王鼓鐘淮水之上曰淮有三洲然則淮浦可以駐師未聞有水患也惟黃河入淮而淮始病以今計之惟黃淮分流北湖小志

卷三

三

則害去而利全其策有二一放淮入江由古入江之口以洩淮勢廬州盱眙皆有古河道之蹟各開濬設閘水大則開以洩水水小則閉以濟運而刷沙盡堵滾壩不使涓滴入高寶湖壞堤以壞民田一改運道不經清水潭邵伯驛竟闕河由瓜埠口而入以逆於淮考古河蹟自瓜埠以入六合至洪澤口以入淮有曾家岡張家岡王家壩胡家壩並東陽城觀音集曹家衝冶鋪橋亦不甚遠不過三百餘里由此行運東路可不用也康熙三十年河臣王條陳其議因恐淮水外洩不能刷沙運道阻塞議格不行然清口窄隘淮水橫流閉高梁澗施家溝周橋閘使水一意東下而高堰遂決不得已又開周橋以洩之而高郵江都之隄乃大決此滾水壩所由議開也然開滾水壩高郵以南

可以略甦水患高竇以北則如故卽建立海口亦無救大患由水勢盈科而進其行極緩下河圩隄阻滯水草盤結水勢不能建甃比水退已受其害矣所謂小舒目前之困而不能究極根原者也于是河臣靳輔請于滾壩造隄約水直入海口乃滾壩之下直洩水奔尚不容其橫溢况又約束之乎且兩隄抵海口而隄中之田一時不能洩水萬一客水橫發之際兼值天雨霖霖則圩中之田何計而出此策之必不能行者也惟所議夾隄高堰上口旣設滾壩使流入諸湖更由東堤滾入下河不能禁上下兩河之不没今設夾隄使高堰之水滾入夾堤更開滾草河使入於海此則分淮導黃之術也惜其從中罣誤垂行而止至於半途而廢也潘季馴主併淮以刷沙楊一魁主分黃以導

北湖小志

卷三

三

淮二公之計以余揆之北方諸水皆入於河河復帥之南入於淮又更益之以渦河之水區區一淮詎克與爭分黃則其勢少弱淮方得出口然後閉周庄關塞運河口其計始得行不然淮不敵黃則潰決南下黃尾其後亦必至決盱泗入湖而入江雲梯關擁塞如平地此固未然之慮然其勢必至於此也故治河之法分黃爲先導淮在後舊漕船過淮行黃河一百八十里入董口河流汎水險惡故於康熙二十五年開濟運中河截流而渡黃水亦分支入海不阻遏淮流而淮得刷沙以入海誠上策也但草壩口未經造閘而移徙過東不得承淮水清流而引濁水入運河頻年黃水入口由高竇過邵伯竟入江矣運河高墊四五尺兩岸偏仄此運事之可慮者也善書法於篆隸之體講

貫尤精密謂古人一波一磔皆有至義非苟然者著字學若干卷課子以耕而不令學暇則手一編哦於清溪綠樹間時挈舟入城與二三知己劇談百日而後返素工詩善畫一入城則求者無虛日所畫梅竹松菊蘭水仙有古人法度詩多唐音不入宋派爲人題冊子及讌飲分賦援筆立就而詩題往往不署人姓字曰是何足入吾集年九十耳目聰察膚理融澤步於衢群少年捷足不及之問何能曰吾以正心爲宗主八脉爲功候非世俗所謂引導術者壽終於家子開疆孫震索

焦循曰柳庭稱王心湛文似昌黎乞爲身後作傳心湛乃序其生平大略今載岳林文集中余得據爲藍本以考見柳庭之爲人岳林之力也孫家渡及治平寺西皆有孫家花園故址未知

北湖小志

卷三

十四

孰爲柳庭其裔孫允泰漁於湖得一磚以遺余上鐫篆書開字徑七八寸題里人孫蘭書筆力遒健未詳所用云

徐坦菴傳第九

元美

元端

徐石麒字又陵自號坦菴其先爲浙之鄞人明初遷揚州父心釋字純之號金莪從新安陳履祥授王心齋之學二年以父疾告歸居喪哀毀里閭爲之罷鼓樂宴飲者累月履祥弔而喜焉就苦塊間論檀弓二篇而去履祥字九龍心釋學旣成九龍問曰子何所得對曰有之不怠不欺而已旣歸每日書此四字於時憲書凡書三十餘本不倦石麒承父學精研名理隱居不應試好著書其自序有談經笥八卷在茲錄四十卷詞府集錄六十卷寶儉小言六卷敘書說二卷禽愧錄五卷天籟譜二卷倦

飛集四卷麤吟四卷瓢聲四卷忝香集三卷壺天續筆二十卷
文字戲十卷宮閨粧飾五卷指水遺編六卷詩餘定譜十卷轉
注辨二卷訂正詞韻六卷談騷寤語四卷女鑑三卷吉凶影響
錄八卷見於范石湖集中者有松芝集余所見者枕函待問編
五卷爲析理講學之書多精實語趨庭訓述四卷述其父心釋
之言亦語錄之流也訂正詞韻四卷謂平聲可通者上去入皆
可通惟入聲通法人多不知蓋平聲三十韻入聲止十七韻每
不知所從故錯亂耳乃支微魚虞佳灰蕭肴豪歌麻尤十三韻
原無入聲蒸韻無上聲字故上聲止二十九蒸亦無去聲去韻
三十者秦卦分也十三元韻歷考宋人皆以前半元原等字入
先韻似有確見庚青真文自是兩韻中州中原皆不通押侵覃

北湖小志

卷三

五

鹽咸閉口音不得與真寒先通梅回杯醋等字不與齊微同用
人知之悔每對退亦不可與尾味同用人輒不察由作詩者習
用平韻上去不常用不免以土音混入耳蝸亭雜訂十卷爲考
訂之書壺天暇筆十卷壺天續筆二十卷壺天肆筆十卷皆摘
錄子史中語而辨其名實之同異古今青白眼三卷則刺取諸
史說部中評騭人品之稱彙而列之雖纂錄類書實古人所未
有也花傭月令一卷記載種花樹果蔬之書皆所試驗農家者
流也三憶草四卷白石篇一卷皆詩坦菴瑣錄四卷雜錄箴銘
語錄之類容齋餘話五卷推言陰陽各物之理以抉隱而辨惑
麤吟四卷且詩一卷皆詩餘尤精度曲入白仁甫關漢卿之室
郭士璟謂其感憤之懷寄之詩賦滑稽之致寄之南北劇吾友

凌廷堪工詞曲能造於微最稱石麒麟謂其合於元人本色其散
曲有忝香集三卷雜劇有大轉輪拈花笑買花錢九奇逢珊瑚
鞭辟寒釵胭脂虎范蠡浮西施諸種又有彩鸞集設爲男女贈
答而絡以詩餘傳奇之變格也其詩餘又有睡餘癖佳二集未
見邇言一卷間引於枕函待問編中亦明道訓俗之書也當時
邑中著述之富未有能過之者府縣志僅載其趨庭訓述及天
人升降圖贊圖贊乃坦菴瑣錄中之一篇也坦菴瑣錄載其家
戶銘有享書堂有廳有祠堂有書房有客齋有子孫學塾有園
園中有濯纓亭有帶湖樓有書室有靜室有外軒有花廳有小
樓有蔭槐堂有涼軒有小軒有小齋有暖室其濯纓亭銘云前
有蓮後有竹庶不獨爲君子誦其詩讀其書於今可見古人高

北湖小志

卷三

五

屋銘云短垣不礙看山眼曲徑徧宜間竹心外戶銘云留塊白
雲遮屋角借灣流水隔車塵草堂銘云倚石句清疎竹外看雲
人靜落花中坦菴銘云道味閒方足書懷老更殷外軒銘云鳥
語移詩律茶聲靜客談小樓銘云湖山空眼界風雨著吟懷暖
室銘云從酒覓佳睡對書留好顏小齋銘云音律老方解詩篇
窮後工涼軒銘云無心經史外有夢水雲間門銘云閉戶不知
松樹老隔溪唯見落花多又用夢游仙調作湖居好十首袁子
令慕其所爲曲訪之湖中演所爲珊瑚鞭以質之錢塘李漁來
則默坐終日不一論詞曲王阮亭司理揚州招致境中名士高
人吳嘉紀雷士俊邵潛皆爲所網羅而石麒麟獨不往見與兄子
元美女元端家庭倡和以供笑樂性傲不與市人見撰客齋餘

話則就正於孫蘭古文集則乞范奎爲之序始與羅然偕劉子
社陳聖茹吳藺次宗鶴問交劉陳兵死與然倚把酒語舊懷然
淚生歌唐多令以解之作浣溪沙呈藺次云杖履逍遙懶出山
怕他風雨做驕寒半生經畫爲收閒按候自澆花九九迎春先
掃徑三三此詩應不在人間又作賀新涼云恐是愁來路借絲
山白雲一塊補疎秋樹六折山橋三面水遠却桃花幾步穩著
得閒鷗無數烟火不留林外照但蒼霞白石都堪煮歸去也豈
無故門前只有浮槎渡問年來山中甲子未曾重數車馬欲通
芳草信徧訪終南舊主敢正被猿驚鶴誤不著胡麻流水遠更
一竿垂向無名處誰信道有人住可想見其風概也子三元聲

元祐元吉皆知名

北湖小志

卷三

七

元美字懿公號松岑石麒麟兄宗健子也生五歲不能言一日忽
謂母曰蒲州八十三張姓翁見前身也母驚訪諸蒲人誠有是
翁舉家以爲奇從叔父石麒麟隱於湖濱石麒麟居水南元美居水
北同以詞名有徐氏一家詞之刻旣娶王氏生二子偶就村市
星士問休咎星士推干支列宿搖目睨曰死命也默算良久瞠
而呼日子不死必及妻子未三旬妻及二子相繼沒元美憤甚
遂爲出山計應童子試不售是時學使者例得於正考外大收
拔二三人入泮然怒諸生闕故嚴其令令曰立就五莛者入不
及數且答諸童駭愕散其半元美以五莛拔第一順治丁酉舉
於鄉主試事者爲怨家構成獄

章皇帝震怒臨軒選諸舉子試草茅士未嘗見

天子皆戰慄無人色又以詩賦古文非所習有不成一字者元美揮翰疾書若宿構

欽定名數前於榜明年再試名益前授淮安府學教授初至見廟新士益樂趨教府道監司皆賢之以儒官時與兵餉漕河諸大政淮水漲築隄夫役不能足議召諸生充之元美請曰諸生家止有蒼頭老奴或寡則役其子弟宜別之使在國門近地餉食易有司患部署已定元美曰此易也遣一健兒持檄檄軍民前一里則國門空矣如議諸生得不困於役擢國子監丞丞掌文書最爲要職元美以經史板多蝨爛首倡修刻以丁母艱歸元美少孤母王苦節垂四十餘年母旣沒遂不仕性和易不露

北湖小志

卷三

三

圭角力不勝酒顧喜召客與談至夜分不休郡縣有公事會紳士議其不便於民者必力爭有司亦徐以其言爲允年七十二卒葬西山瘦李村所著有艾言諧聲集葉菴詩餘湖上吟

元端字延香石麒麟女也十三能詩性慧通音律石麒麟每度曲對女歌之有不合元端爲之正拍爲印記自署染花粧閣著詩餘繡閒集一卷王阮亭池北偶談云廣陵徐氏女子工填詞有入李易安之室者如珠簾輕揭憔悴黃葉忽憶小亭人乍別正是重陽時節當初一段清秋平分兩地離愁試向西風寄問知他還似儂不起來傭向粧臺倚亂絙凌雲髻歸期曾說柳青時鎮日慳慳只是惱春遲小園昨夜西風劣笑落漫天雪侍兒佯笑捲簾紗却道玉梅已放滿枝花獨坐數歸期花影重重日影

低無計徘徊思好句支頤除却春愁沒箇題閒倚畫樓西芳草
青青失舊隄猶記當時人去處依依紅杏花邊卓酒旗看西風
吹起滿庭碎葉閉珠戶獨坐還怯窗外芭蕉點點做盡淒切禁
不住芳心欲折殘燈挑盡隱隱半明半滅羅衾祇借香溫熱今
夜裡這愁腸勝似離別寬褪了裙兒幾摺皆繡閒集中語

焦循曰坦菴蓋隱於詞曲者也元美稱其叔沈謚寡言門無雜
賓四壁圖書終日閒坐余見其所著書推原經史探論道德豈
屯田夢窻之流哉元美沒陳霆發銘其墓石文見何有軒集故
出處之跡得而詳也范荃贈女甥徐延香詞有吾家宗老紅絲
曾綴之語知爲范家婦而婿之名字莫能考見坦菴孫輩有徐
棄疾徐芑兩人皆善詞芑號黍菴棄疾字學稼號矯園有閒情
北湖小志

卷三

完

偶寄一卷

二吳傳第十

吳綺字蘭次守湖州罷歸康熙庚午居湖有歸湖詩五首一時
名士和之時目盲自號曰聽翁號其湖中居曰岸桴又曰快堂
王武徵方岐作吳湖州後傳云乙丑移居種字林以目眚杜門
潛心宗鏡之旨又營數椽於黃子湖瓜田豆畦明農親稼花晨
月夜與高人朗士扁舟湖流菰蒲蔽虧鳧鴨凌亂一詠一歌皆
足千古然余訪其所爲岸桴者不可得或曰在市北今爲冶者
居或曰濱湖在黃珏橋市北六七里云

吳寅字秩三一字賓廬其履歷不可詳或曰曾在

南書房亦未審何官也寅過湖聞讀書聲問何地曰黃珏橋喜

曰此仁里可居也遂移家於湖亦作歸湖詩五首人和之者如綺之前事然著夢硯居詩集四卷壬午集韻詩一卷揚州舊蹟詩一卷江都費錫璜爲之序云先生彭山逸人廣陵才士紅舫烏榜家鄰黃子之湖翠荇碧蘆住近蒼鷹之宅少微羣從並麗文章太伯後昆咸工詞賦公叔嗜學每中食而忘餐孟浩爲詩常行吟而入甕搜諸子之精奧如叩洪鐘究九經之本源似探星宿揮洋洋之尺幅筆不能停滴灑灑之千言文未加點窮年賣賦寓昭明文選之樓鎮日過從同馬糞王家之巷愛女有蘭摧之痛堪憐病婦云亡乘龍非玉潤之才遂致家園盡破每臨文而興歎遂握管以摛詞寶祐城邊種花藥者成市菜蕘灣北畜雁鶩者爲家痛大業之荒淫螢流故苑傷爭春之非舊草滿北湖小志

卷三

三

荒園前此飲霞先生曾羅廣陵懷古之作聽翁太守亦多江都寄跡之篇得君百首相參真可三分並時天驚石破峽中叫子夜之猿蕩日搖空月下嘶高秋之馬長卿湘中雜詠同此芳妍李廸姑蘇諸詩媿前瑰麗矣

焦循曰蘭次歸湖詩不載林蕙堂集附見顧圖河雄雉齋集中夢硯居詩余有其七律一卷所載歸湖詩僅四首而謝鶴墅和詩有存者其原韻尙可考也備錄之吳綺詩云老愛幽棲出郭行無多水涉與山程人留別館非無意天與滄州若有情黃鳥莫辭經日轉白鷗閒訂舊時盟青鞋布襪從今始欲共閒雲過此生黃花種得向東籬較取淵明我覺遲苦有虛名緣識字未忘結習尙貪詩戴公翠楹花深日王子停船雪滿時不是傷懷

遠親舊從來猿鶴是相知水雲深處未嫌孤欲寫鴟夷泛宅圖
一曲柳塘栽菡萏數間茅屋隱菰蒲且教女子歌秋水不向君

王乞鑑湖一葉輕舟驢兩耳風光真稱白髭鬚牢落平生懶是
真春來七十二閒身雞魚未敢忘前事牛馬何堪逐後塵乞得

寒梅能作伴借將修竹可為鄰莫嗟冷寂非吾意眼底從來怕
熱人絕似牽船傍岸居槿籬竹屋計全疎閨中莫慮探空篋梁

上何曾愛破書一劍誰言迎陸賈千金幾見壽相如從教簞笠
無人識獨向黃陂號老漁顧圖河集放翁詩次韻云喜挂高帆

浩蕩行舟行錢清河橋飄然雲水不論程贈過人尚嫌塵境妨幽致春

肯使秋豪有妄情道室郵酒可除常痛飲泊湖野人有舊得尋

盟訪野扁舟來往無窮樂冬曉夜夜湖中看月生東關兩扇荆扉數

北湖小志 卷三 三

掩籬浴罷開步並溪穿塢每歸遲遊客撐小艇招垂釣新製道衣示衣

工僧趁分題就賦詩小園豪竹哀絲真昨夢秋興晚菘早韭恰當時

蔬紅塵朝暮何時了出謁此老醉眠初不知道室偶來徙倚草

亭孤江亭到處皆成一畫圖秋日疊疊沙痕留浦岸舟中蕭蕭

秋意滿菰蒲小閣涼意行舍北三义路舍北跬步門前萬頃湖北題

窗聊舉一杯生耳熱夜坐醉中猶攬故人鬚夢與劉部五百年前

賀季真秋日天將閒處著閒身閒居初吾曹自欲期千載夜讀

遺外物元和等一塵遺錦雉白魚供野餉東村黃雞綠酒聚比

鄰夏醉中卽是逃名地閒遊本避浮名不避人題菴頻拈枯筆賦

幽居幽居歸老林間計未疎曠書偶見尚憶青山陪衆雋書不

論黃紙有除書彌牟鎮驛壯心耿耿人誰識郊行胎髮茸茸漆不

如夏初湖
幽村雜興

閱盡輩流身獨健

立春後十二日
命駕至郊外

敢辭老境落樵漁

懷秦之俊和云不須惆悵重行行曾覓桃源幾問程世上浮名

多變態眼前舊雨最關情村春近得東西舍沙鳥新邀泉石盟

莫謂投閒堪穩臥其如不出負蒼生卜鄰幸得近東籬步屐頻

過不厭遲瓦注金尊傾舊釀紙窻斑管賦新詩青山結伴從吾

好白首同歸復此時仕隱由來稱落落高懷未許俗人知閒吹

鐵笛海雲孤豈必南溟是壯圖秋水波時聞木葉夕陽斜處泛

菰蒲寒泉勿囂仙翁并夜月平分甃社湖我欲從公數問字幾

回甕酒遣長鬚拂石眠雲傍水濱年華歷盡賸閒身三條裁製

山中服十斛先消陌上塵齒齋齊闌香到枕薜蘿挂壁綠爲鄰

蒲團靜息如枯木豈有肥癯作戰人丈室橫琴賦索居交加竹

北湖小志

卷三

三

樹儘蕭疎擘窠屢醺金壺墨煮石頰緇玉洞書脫略似君誰得

似羈愁如我復安如應知此地烟波濶不是磻溪亦可漁范荃

和云擲却塵纓自在行簡書寧復畏王程天池一息鯤鵬翼水

國還深魚鳥情松菊更教今有主菰蒲原自未寒盟秦川不用

漁人引渺渺烟波入望生萬頃湖光面檣籬春風一棹日遲遲

故人更有蘇門嘯謂孫滋九好客來吟谷口詩看竹不妨乘暇日種

桃猶自憶前時溪翁園叟逢迎好不用埋名也自知湖山蹤跡

未云孤欲剪輕綃繪作圖春雨一犁耕苜蓿秋風滿棹采菱蒲

雞豚集散黃橋市蝦菜船回赤岸湖我愧半生虛度此漫敲詩

句苦撚鬚先生近卜幽棲地賤子空餘垂老身常數通家叨未

契敢言詞賦步芳塵不妨韋布存知已雅有漁樵結比鄰歸去

當爲余仲說依然逢披隊中人

蘭次與家伯仲同賦采芹

莫向湖千賦索居

曠觀身世稱蕭疎傳家賸有長門賦報國何須封禪書三徑風

光應楚楚六時心地自如如子陵尙父終多事牢把長竿伴老

漁江閣和云爲嫌囂雜愛孤行不憚崎嶇隔幾程杭秫有無姑

莫問市朝遠近可關情朱幡在昔留佳話白社從今得主盟琴

鶴蕭蕭舟楫滅還鄉仍是舊書生草堂竹閣權爲籬買得魚磯

未是遲畢歲還消多少展他年添却若干詩檢書每到更闌後

擁被應忘日上時屬付兒童長閉戶姓名慢把外人知晚尋粟

里豈云孤園圃溝塍總畫圖網內有魚堪作鱸案頭無筆卽編

蒲開軒箇箇貪三徑放艇村村是五湖歸到藥闌支步幃不教

風雨損花鬚菰蘆桑柘漸相親贏得清閒未老身剝啄外來門

北湖小志

卷二

三

有客咄嗟立辦坐無塵花村酒債終難免野寺詩僧許結鄰共

羨先生真有意從容洗眼看勞人幾時伏臘守村居話到人間

癩更疎不怕前賢求故錦獨疑造物妬藏書近連陽羨差相似

遠恐終南遜不如廊廟未曾忘舊德肯令容易老樵漁王諤和

詩僅存第三首云岸上牽船興不孤青山望似米家圖半犁春

雨驅黃犢一夜東風長綠蒲筇杖扶花尋野寺竹弓射鴨蕩晴

湖何妨老去情懷勝雅有風光稱白鬢王文範和云早駕籃輿

北郭行青鞋布襪趁山程數株垂柳藏高隱一路啼鶯戀別情

狂客自應耽野興吾徒誰與主詩盟依依雲樹愁無那欲放今

宵白髮生叢菊新栽市短籬陶潛歸去豈云遲東臯曠遠常舒

噴流水清冷好賦詩霽月無雲傾酒夜青山微雨放舟時幅巾

到處無人識惟共閒鷗兩自知結得茆茨興不孤分明一幅浣
花圖閒憑驢背看紅樹醉傍漁舟泛綠蒲放眼偏能小天地忘
情惟許狎江湖田翁溪叟頻來往浮白狂呼笑捋鬢吳興薄宦
從前事今日幽棲老此身茶譜酒經常自注竹籬茅舍不侵塵
時招野鶴因爲侶偶伴孤松便作鄰莫謂晚年甘放達此生原
是謫仙人湖干我亦築幽居叢竹倚脩古木疎此地岸桴堪坐
詠吾家石屋有藏書雲容水態各居勝明月清風縱所如從此
願借棲隱去一溪春水樂耕漁時有劉半山者用其韻作感懷
詩以悼亡其詩不傳彘豸亦作感懷詩以和半山而不用其韻
亦佳話也吳寅詩云翛然俯仰此乾坤一室勞勞費討論地偏
埽除搜鼠婦籬加編葺護雞孫未聞東郭招還築却被劉伶笑

北湖小志

卷三

三

入禪市井臣來遷草莽太平田社沐秋恩宅里南濱黃子湖幽
偏果是野人居三重茅恰三間屋一寸陰堪一卷書馬鬣旣封
瞻隴畔牛衣昔臥泣窻虛蒼茫無著長貧者自顧何容料理疎
悠揚風動隔簾窺隱約青山媚遠姿蠻榼尙來幾兩屐胡牀改
罷數篇詩量晴課雨巡簷角放鳴觀魚到水涯不分喧卑箏笛
耳飽聽樵唱獨歸遲連阡井字接門闌眼界如今始放寬九折
不逢蟠板雙百層初見拂香鸞烟生浦極朝殊暮松矗高空暑
亦寒環舍水光無際碧漫將心跡付漁竿謝九成和云蔚藍天
影漾平湖信有高人賦卜居門外問奇三徑履室中佐酒一牀
書銀蟾皓魄留真賞蒼狗浮雲幻太虛逆旅由來誰是主不妨
高臥與時疎誰道風塵興已闌襟懷磊落且教寬故山千里望

雲樹濱水一枝棲鳳鸞芝草環階原異俗狡狴活火不知寒勸
君莫縱垂綸手應有珊瑚拂釣竿香漢何容一管窺偏於跡象
見仙姿隨風珠玉貽餘唾著筆雲霞成好詩磨劍石隨天下土
種花田接水之涯相逢三載多睽隔把臂論文莫恨遲丹崖千
仞矗天半積翠虬松鶴在巢物以占幽能辟險人應處淡念投
膠經年刺滅難知已五柳風高不泛交最愛琳琅輝四壁問誰
容易入堂坳居然斗室小乾坤來往陰晴總莫論國士無雙追
季子世家第一見公孫吾廬自愛惟容膝廣廈何人不處禪硯
兆四三曾入夢後來重器拜君恩謝天壽和云甘泉爽氣接晴
湖有客翛然此息居白板翠圍新竹烏衣錦照舊圖書不堪
蠻觸愁雙眼且聽滄桑幻六虛穩占一枝聊歇足何妨樵牧共

北湖小志

卷二

三

慵疎辟地誅茆放藥闌數椽不礙往來寬孤懷自分隨鷗鷺麗
藥人驚吐鳳鸞幪押三重花影靜戶臨九曲夜光寒等閒無箇
能檜束高臥常時日幾竿落拓從人捩影窺肯將古榦作柔姿
松窻月挂閒聞嘯玉局棋敲慣賭詩歷歷風光欣有主蕭蕭野
興迴無涯瓜籬豆架隨田父偃息經年任拙遲應笑書生多咄
咄惟尋深處結深巢黃鐘棄毀鳴罌缶鳳喙銷沈遜蟹膠閉熟
敢辭軒冕客輸心更訂水雲交遺廬大塊原如許都付珊瑚枕
一凹昂藏七尺老乾坤屈指茫茫誰與論茅屋又看留杜甫溜
川可復止公孫不嫌僻冷湖爲沼便任疎狂室作禪秋秋書裏
緣底事曾經簪筆侍延恩



